



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵԻՉՈՐՍԵՐՈՐԴ ՏԱՐԻ

1909

№ 4

ԱՊՐԻԼ

Թ Ի Ֆ Լ Ի Ս

ԷԼԵԲՏՐԱԶԱՐԴ ՏՊԱՐԱՆ ՕՐ. Ն. ԱՂԱՆԵԱՆԻ, ՊՕԼԻՑ., 7.
1909

ԲՈՎԱՆԳԱԿՈՒԹԻՒՆ

Հայերը Ռուսիայում. Մ. Բ.	3
Սգաւոր գետը. Յար. Պետրոսեան.	7
Ծովի վրայ. Րոճճօր	8
Ընկերին. Կայծ	13
Ժողովրդի մէջ. Թարգմ. օր. Ն. Աղանեան	14
Տէր-Դաբրիէլ Պատկանեան. վերջ. Ե. Շահագիգ	31
Քօսա-Դաղ Լերան վկան. Լ. Խանգադէ	46

ՄԱՏԵՆԱԽՕՍԱԿԱՆ

Իմ երկերի քննադատութեան առթիւ. Մուրացան.	56
--	----

ԱՄՍՈՒԱՅ ՏԵՍՈՒԹԻՒՆ

Ինչ ենք սպասում Վեհափառ Կաթողիկոսից.—Հոգեւարքի ճիգեր.— Վերջին շնչին.—Լուրեր.—Ստացուած գրքեր.—Խմբագրու- թեան պատասխաններ.	62
--	----

ՅԱՅՏԱՐԱՐՈՒԹԻՒՆՆԵՐ

ԼՈՅՍ ՏԵՍԱԻ

Հ. Բ. Օ. Կ. Լ.

ԱՆԳԼԻԱՅԻ


ՔԱՂԱՔԱԿՐԹՈՒԹԵԱՆ

ՊԱՏՄՈՒԹԻՒՆԸ

Թարգմանեց Վարդգէս Աղանեանց

Գիւն է 75 ԿՈԳ.

Գիրք LIII



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒԶՈՐՍԵՐՈՐԴ ՏԱՐԻ

1909

№ 4

ԱՊՐԻՆ

Թ Ի Յ Լ Ի Ս

ԷԼԵԲՏՐՈՆԱԿԱՆ ՏՊԱՐԱՆ ՕՐ. Ն. ԱՂԱՆԵԱՆՅԻ, ՊՈԼԻՑ 7
1909

ՀԱՅԵՐԸ ՌՈՒՍԻԱՅՈՒՄ *)

Ը.

Նախընթաց գլուխներից տեսանք, որ հայերը արդէն IX-րդ դարից—այսինքն ռուս ժողովրդի պատմական տապալիքի վրայ ոտք դնելու առաջին օրից—սկսում են ծանօթանալ ռուսների հետ և սակաւ առ սակաւ մուտք դորձել Ռուսիայի սահմանները: Հայ վաճառականը, հայ զինուորը, հայ բժիշկը—այդ առաջին հայերը Ռուսիայում—ճանապարհ են հարթում իսկական հայ գաղթականներին, որոնք XI-րդ դարից սկսած, մեծ խմբերով թողնում են իրանց հայրենիքը և զիմում են Կովկաս, Բիւզանդիոն, Ղրիմ, Լեհաստան, Գալիցիա և այլն: Այսպիսով դաղթական հայերը հաստատուում են Ռուսիայի սահմանակից շրջաններում, որտեղից՝ նախ զանազան յարաբերութիւնների մէջ են մտնում ռուսների հետ, ապա և անցնում են Ռուսիայի քաղաքները: Այդ պատճառով էլ XIII-րդ դարուց մինչև XV-րդ դարի վերջը ռուս-հայկական յարաբերութիւնների պատմութիւնը իսկուպէս ասած վերոյիշեալ վայրերի դաղթական հայերի և ռուսների միջև եղած յարաբերութիւնների պատմութիւնն է:

Հայ գաղութների թէ հին և թէ նոր պատմաբանները միաբերան վկայում են, որ XI-րդ դարուց սկսած հայ գաղթականութեան հոսանքը առանձնապէս ուժեղանում է XIII-րդ դարում, երբ իրանց հայրենիքում հայերը ենթարկուած էին քարքարոս ազգերի մահաբեր հալածանքների, իսկ նոր բնակավայրերում, ընդհակառակը, ցանկալի հիւր էին և արտօնութիւններ ու հովանաւորութիւն էին գտնում:

Յիշենք այդ դաղութներից մի քանիսը, որոնք Ռուսիայի հետ անշուշտ մշտական յարաբերութիւնների մէջ էին:

*) «Լումայ» 1909 № 3.

Այսպէս Գալիցիայի հայ գաղթականների մասին ասուում է¹⁾, որ նրանց հրաւիրել է իշխան Լևոն Դանիլովիչ 1280 թուին: Նրանք եկել բնակուել են Լեմբերգ քաղաքում: «Հայք այստեղ սեպհական վարչութեան (magistrat) մը տակ էին և այնչափ շատ, որ Գասիմիր Գ. մեծն յամին 1367 իրենց երկրորդ եպիսկոպոսին, Գրիգոր մեծին, իշխանութիւն շնորհեց, որ իւր աթոռն Լեմպերկ փոխադրէ: Յետոյ 1379-ին հայք հոս նաև մեծամեծ արտօնութիւններ ընդունեցան»:

Կամենեցում հայերը բնակուեցին նախ XI-րդ դարում²⁾: Իսկ երկրորդ անգամ հայերը գալիս են վերոյիշեալ 1280 թուին՝ թաթարների հետ միասին, օղնելու Գալիցիայի իշխանին, որի հրաւերով էին եկել, զրացի ազգերի ղէմ: «Հայք այն պատե-րազմներուն հաստ թիկունք եղած են Լևոն Դանիլովիչին, զի իշխանն երկիրներով է վարձատրած նոցա ծառայութիւնները: Հայք հաստատած են իրենց բնակութիւնը Կամենեցի մօտ, այն տեղը, որ մինչև ցայսօր Արմենան է կը կոչուի... Այն ատեն սակաւաւոր եղած են հայք, զի նոցա երրորդ գաղթականութիւնն ի հայաստանէ 1331-ին բաղմացուց նոցա թիւը, Կո-րեաթ իշխանի պալազատաց միջոց»³⁾:

Ունգարիայում հայերը բնակուում են դեռ X-րդ դարում, իսկ 1243-ին արդէն արտօնութիւններ են ստանում (Դ. Տան), Տրանսիլվանիայի հայերը 1355-ին ունէին իրենց եպիսկոպոսը: «Հայք ղէպի Մօլդաւիա և Վալախիա, ասում է Տանը, զիմե-ցին միեւնոյն ժամանակ, երբ Բողդսկի-Կամենեց գացին, ուստի ժԱ. դարուն գաղթեցին, այն է 1046-ին, երբ Մոնոմաքոս յու-նաց կայսրն հայաստան արշաւեց և 1064-ին, երբ Պարսիկք Անի մայրաքաղաքին տիրեցին: Յետոյ գաղթականութիւններ եկան 1342-ին, երբ Պարսիկք Անի քաղաքը վերստին առին և 1418, 1475 և 1606 տարիներուն մէջ»:

Միւս կողմից հայերը XIII-րդ դարում գաղութներ են

1) Արեւելեան Հայք ի Պոլսովինա. Դ. Տան ի էջ. 4.

2) Տես գլ. Ե. մեր յօդուածի.

3) Հ. Ք. վ. Ք ու շ ն ա ռ ե ա ն. Պատմութիւն գաղթականութեան Ղրիմոս Հայոց. էջ 177.

հիմնում Վոլգայի ափերին գտնուած քաղաքներում (ուրեմն Ռուսիայի արևելեան սահմաններում)՝ Հաշտարխանում (ուր առաջ էլ պէտք է հայեր բնակուած լինին¹⁾), Ախսարայում, Մեծն Բուլղարում, իսկ յետոյ և Ղազանում։ Այդ գաղթականների աստուար մասը 1330 թուին թողնում է իր նոր բնակավայրը և տեղափոխուած Ղրիմ, ուր Ջենովացիների թուլատուութեամբ բնակուած են Թէոդոսիայում և այլ մի քանի քաղաքներում ու գիւղերում։ Այսպիսով ուրեմն հայերը գաղթականութիւններ են հիմնում Ռուսիայի սահմանակից երկիրներում՝ Լեհաստանում, Գալիցիայում, Մօլդովիայում, Ղրիմում, Խազարների և Բուլղարների մայրաքաղաքներում, Ոսկէ խանութեան մէջ և այլն։ Այսպիսի կիսաշրջանով (W—S—O) հայերը բոլորում են Ռուսիան այն միջոցին, երբ նա տնթողապէս ընկնում է թաթարաց լծի տակ (1240—1480)։ Ռսները դբաղուած էին իրանց տնային զործերով, երկպառակութիւններով ու մասամբ ինքնապաշտպանութեամբ և ամենեւին հնարաւորութիւն չունէին մտածելու զրաի աշխարհի և ազգերի հետ անմիջական յարաբերութիւններ ստեղծելու մասին։ Միւսնոյն ժամանակ թաթարները վերացնում են նաև Բուլղարների և Խազարների առւտրական միջնորդութիւնը։

Թ.

Գաղթական հայերը չէին կարող չօգտուել այս բարեկաջող հանգամանքներից, մանաւանդ որ նրանք միջազգային յարաբերութիւններ պահպանելու համար մի քանի առաւելութիւններ առնէին համեմատած ռսների և թաթարների հետ։

Նախ հայերը աւելի քաղաքակրթուած էին և առւտրի մէջ աւելի փորձառու. նրանք անմիջական յարաբերութիւնների մէջ էին Բիւզանդիոսի, Փոքր Ասիայի, Հայաստանի և Պարս-

1) Հետաքրքրական է, որ ժամանակի մասին է խօսքը հետեւեալ տեղեկութիւնների մէջ՝ «Армянскій Крутецъ—гора въ Симбирской губ. съ сокольею. называется такъ отъ Армянъ, взбунтовавшихся нѣкогда въ Астрахани и засѣвшихъ на сей горѣ. Бывшаго у нихъ тутъ укрѣпленія еще и понынѣ видны остатки»—յետոյ նկարագրուած է այդ լեռնային ամրութիւնները։ См Географическій словарь Россіиск. Государства 1801 г.

կատարանի հետ. զանազան տեղերի գաղութների միջև մշտական-
կապ էր պահպանւում՝ հաշտարխոսների հայերը կապեր ունէին
Քէֆէի հայերի հետ, վերջիններս— Լէմբերգի և այլն: Այդ հա-
յերը մի քանի լեզուով էին խօսում. միևնոյն ժամանակ նրանք
հրէաների նման միջազգային ժողովուրդ էին ներկայացնում, ու-
րովհետև ոչ ռաների և ոչ թաթարների հետ քաղաքական
հաշիւներ չունէին: Այդ պատճառով էլ, թէ իրանց հիւրընկա-
լոյդ պետութիւնների և թէ ռաների ու թաթարների համար-
այդ գաղթական հայերը պէտք է ցանկալի և անփոխարինելի
առևտրական միջնորդներ լինէին և իսկապէս էլ եղան:

Կարն ժամանակուայ ընթացքում գաղթական հայերից ու-
մանք այնքան հարստանում են, որ թագաւորներին ու իշխան-
ներին փողով օգնութեան են գալիս, XIV—XV-րդ դարու
Փլօրէնցիայի բանկիրների դերն են սկսում խաղալ: Խոշոր հայ
ղրամատէրերը այդ միջոցին սկսում են և խոշոր առևտուր-
անէլ՝ գերեհանութեամբ և կապալառութեամբ զբաղուելով:

Մ. Բ.

(Կշարունակուի)

ՍԳԱԽՈՐ ԳԵՏԸ

Մութ գիշերին ժեռ ամիերին
Գեսն է զարկում ողբաձայն,
Գեսը—Արագ, արտին երագ՝
Զֆնաղագեղ, դիւթական:

Երգ է կանչում, ազդու հնչում
Ասեղազարդ երկնի սակ,
Սուգ ու լացով, ողբ ու կոծով
Ուզում մարել իւր կրակ:

Բայց անհամար ասղերը վառ
Որպէս հուրը արսայոյզ՝
Այնտեղ շողում, անվերջ լողում,
Մնում են վառ մինչեւ լոյս...

ՅԱՐՈՒԹԻՒՆ ՊԵՏՐՈՍԵԱՆ

ԾՈՎԻ ՎՐԱՅ

Հայելանման ծովը՝ մեղմ, հանդարտ ծփում էր ափերին։ Մեր նաւակը սլանում էր առաջ, արևի շողերով ողողուած ջրերի մակերևոյթի վրայ ու առանց երերումի, առանց դանդաղելու— միակերպ ու միաբնթաց։ Մենք նամբորդներս՝ ուրախ տրամադրութեամբ, նայում ենք հիասքանչ ծովի անսահման հորիզոնին, որի հետ խառնուած՝ արևի վառ շողերը, մի առանձին տեսք են տալիս ջրերին, ուր մարդու հայեացքը շաղւում է, շփոթւում, չգիտէ—ի՞նչի նմանութիւն տալ այդ տեսարանին, կարծես՝ ծովը ժպտում է, ծիծաղում. մենք նոյնպէս ժպտաղէմ հիանում ենք՝ այդ ֆանտաստիկ տեսարաններով...

Մենք ամենքս մեր առանձին խոհերն ունենք, մեր վափազը, մեր իղծը, մեր վառ տենչը և մեզ կեանք տուող— յոյսը...

Երկինքը պարզ է ու յստակ, որպէս ծով. երկուսն էլ համապատկեր են միմեանց, երկուսն էլ՝ կապուտակ, երկուսն էլ՝ հայելու նման։ Երկնքում փայլում է—արևը, ծովի վրայ, ջրերի հետ խառնուած, նրա շողերը... Երկնքը նայում ես, և ասես թէ՛ երկնակամարն ու ծովը՝ գրկւում են, միանում իրար...

Երկու նաւաստի իրանց յաղթ բազուկներով թխավարում են և մեր նաւակը՝ թեթեակի վար ու վեր անելով՝ հանդարտ սահում է առաջ. նրա առագըլնթացքը փրփուր է առաջացնում ջրի երեսին և սպիտակ-փայլուն հետք թողնում իր ետևից։

Ծովափը դեռ հեռու է...

— Շատ ժամանակ է, որ դուք ծովային աշխատանքով էք պարապած. հարցրի ես նաւորդներից մէկին, որի նիհար ու դունստ դէմքի բարի գծերը արտայայտում էին նրա ինչպէս լինելը: Նա՛ իր արագաշարժ աչքերը ինձ ուղղելով, պատասխանեց.

— Շատ չէ, քսան երկու տարի...

Ես զարմացայ, որ այդ մարդը ծովի վրայ այդքան ապրել է, որտեղ ամեն ըուպէ, ամեն վայրկեան մահ է սպառնում... և էլի, նա ասում է. — «Շատ չէ»: Ես հարցրի.

— Ի՞նչու չէք թողնում այդ գործը, այստեղ ամեն վայրկեան մահը պատրաստ է, և դուք կարող էք վնասուել...

Նա ժպտաց ինձ վերայ.

— Իսկ ի՞նչով ապրենք... հարց տուեց ինձ. — Ի՞նչով պահպանենք մեր գոյութիւնը...

— Այստեղ միշտ վտանգ կայ, նկատեցի ես:

— Հողի վրայ էլ վտանգ կայ. սկսեց նա — այնտեղ էլ մահ կայ, այնտեղ էլ ծովի ալիքների նման կատաղածներ ու փրփրաժներ կան... Ի՞նչու չէք թողնում հողը... Ձեր հայրը ռոտեղ է մահացել... հարցրեց ինձ:

Ես շփոթուեցի այս անակնկալ հարցից, և վայրկենական լռութիւնից յետոյ պատասխանեցի չաղթուած ձայնով.

— Մեր տանը.

— Ի՞նչի մէջ...

— Անկողնի մէջ.

— Իմ հայրն էլ՝ սուգուել է այս ծովի տակը. ես էլ պէտք է դնամ սրա խորքը... մեր մահը՝ ջրի մէջ է լինում, մեր գերեզմանը ջուրն է... Իսկ ձերը, պարոն, ձեր հօր նման անկողնի մէջ կը լինի. ձեր գերեզմանը նեղ-ժածկուած հողէ փոսն է. դուք այնտեղ էք հանգստանում ու յաւիտեան ննչում. իսկ մենք՝ հանգստանում ենք լայն ու արծակ ծովի յատակում... Մահից ոչ ոք չէ կարող խուսափել. մահը ամեն տեղ մահ է, անխուսափելի ու դաժան... Ի հարկէ բոլոր ծովի աշխատաւորներս այստեղ չենք մեռնում...

Նա լռեց. ես նոյնպէս լռու էի:

Նրանք՝ թիավարելով սուաչ էին քշում նաւակը. ծովը

Ժվւում էր հսկայի օրօրով. մեր կոկիկ, սիրուն նաւակը տարւում է առաջ:

Ծովափը մօտ էր:

* *

Յանկարծ ծովը անքաց, ասես նաւակը մեծ բեռ էր նրա մէջքին. նա յօրանջեց և հառաչեց, ուռցրեց կուրծքը, և նրանից վիժեցին ուռուցիկ յեղեղուկ ալիքներ, որոնք զարկուեցին իրար, մռնչացին, յուզուեցին ու թափ առան թռան վե՛ր — ի՞նչ օր նպատակով... դարձեալ զլորուեցին ցած, փշրուեցին, ցիր ու ցան եղան... ընկան գիրկը խռովայոյզ՝ մրմռացող — մայր ծովի, և էլի շփուեցին իրար, կատաղեցին ու թափ առան...

Մեր նաւակը, որպէս տաշեղ՝ թրթռաց, տարուբերուեց ու երերալով կամաց-կամաց-անցաւ առաջ...

Ճամբորդներս գունատուեցինք և համարեա կիսամեռ, սկսեցինք փրկութիւն մընչալ...

Չարհուրանքի սոսկում էր այն, որ բոպէական տիրեց բոլորիս:

Նրէշաւոր՝ այլանդակ, ուռած ալիքները մէկ-մէկու ետևից՝ դալիս էին ու դալիս... հրում էին նաւակին. նաւակը թպրտալով՝ մերթ սողում էր կնճռոտ ու երկունքով բռնուած ծովի երեսով, մերթ բարձր ու ցած անում, շեղւում և վերստին ուղղում ընթացքը: Նաւաստիները ամեն հիգ զօրծ են զնում, նաւակի դէկը ուղիղ պահել, և ջրու բաղուններով՝ անընդհատ թիափարում են, թիափարում...

Ծովը աւելի աղմկայոյզ է դառնում, ալիքները՝ աւելի կատաղի ու սպառնալի:

Բոլորի իղծերը, փափագներն ու սպասելիքները խորտակուեց, մնաց յոյսի միայն մի բարակ, նսեմ շողշողացող նշոյլը. նա, ինչպէս ծմերային արևի վերջաղոյսի դունատ շողը՝ դեռ կենդանի էր, դեռ փայլում էր բոլորի համար:

Մի վայրկեանում կարող է մեռնել իղծը, փափագը, ծրգատումը և ամեն ինչ... բայց ո՛չ — յոյսը մեռնում է այն ժամանակ, երբ յուսացածն է մեռնում կամ յուսացածը չի իրագործ-

ւում. յոյսը՝ հանգստութիւն է տալիս. յոյսը՝ կեանք է տալիս...

Ես ամեն ինչ թաղեցի իմ սրտի խորքում, իսկ յոյսս միշտ անընկճելի և չուզեց զերեզման մտնել... այդ սպասումն, համբերում էր...

Մահի ահաւոր երկիւղը գալարւում էր մեր բոլորիս կրօնքերի տակ:

Երկունքով բռնուած ամուլ ծովը, շարունակում էր աղմկայույզ փոթորկուել և ինչպէս մի հսկայ գազան, որ սովոր է անյապարար իր կրքերին խաղալիք ու զուարճալիք դարձնել-ճանկերն ընկած զոհին, այնպէս էլ ծովը իր քմահաճոյքներին էր ծառայեցնում մեր նաւակը և միշտ կիսամեռ ճամբորդներին:

Ալիքները զարկում, խփում էին իրար ու մռնչում կատաղաբար, որպէս մենամարտող վիշապներ, հրում էին նաւակին և խորտակելու չափ թեքում ու ծռում:

Մորիկը աւերում էր ծովի երեսը...

Նաւակը ալիքների զրոհի առաջ՝ փախչում էր և տարւում խելադար թափով, ինչպէս փետուրը ուժեղ քամու առաջ:

Նաւաւարները իրանց վարժ հմտութեամբ՝ թիավարելով ուղղում էին ընթացքը, ուռած ալիքները քամակից զրոհ էին տալիս և ասես քրքշում էին աւերումը, հեզնում էին մեր երկիւղը ու յեղեղում ողակներով շարան-շարան գալիս էին ու գալիս...

Ծովափը մօտ էր, բայց երկիւղը, զարհուրանքն ու սոսկումը դեռ մեծ էր...

Յանկարժ անապատելի, հսկայական լափուն, մեր նաւակը չպրտեց հեռո՛ւ...

Մենք տգաստուեցինք... զարհուրանքի ու սոսկալի ըողպէները մեռան...

Յոյսերի մի նոր արշալոյս ծագեց բոլորիս համար...

Սակայն ծովը, այդ վարաւոր հրէշը դեռ շարունակում էր փոթորկուել, մռնչալ, տնքալ ու անվերջ տնքալ...

* *

Նիհար նաւաւարը մօտեցաւ ինձ և բռնեց թևքիցս...

— Բարեկամ, ասաց նա— դուք հօ տեսա՞ք այս փոթորիկը—

այսպիսիները շատ ենք տեսել և շատերին ճանապարհ դրել... Ասացէք խնդրեմ, մի՞թէ աշխարհը մի ծով չէ՞. մերթ՝ աղմկալից, մերթ՝ կատաղի... Աշխարհ, ծով... Միևնոյն է, երկուսն էլ նման են... Աշխարհ, որտեղ նոյնպէս՝ փոթորիկներ, մրրիկներն ու հողմերը անպակաս են... կատաղի ալիքները, խենթութեան արգանդից վիժած յուզմունքներն ու կրքերը, իրանց անուղղելի քմահաճոյքներով լի՞ են, բարեկամ:

Նա թւեք բաց թողնելով՝ շարունակեց նոյն յաղթական ձայնով.

— Մի՞թէ կեանքը մի նաւակ չէ՞... Փոթորիկների, հողմերի, ուռած ալիքների առաջ՝ զողզողացող մի նաւակ, որին ամեն կերպ աշխատում են կլանել յուզուած ալիքները՝ իջեցնել անչափուրդ ծովի արգանդը... և իրանց զգուելի քմահաճոյքներին ստրուկ ու խաղալիք դարձնել... Կեանք-նաւակը, այդ հուլածանքի, ճնշման ու գերի—նաւակը:

Եւ մի՞թէ մարդը մի նաւավար չէ՞... որ ամեն կերպ պէտք է աշխատի նաւակի ղէկը ուղիղ սլահել և գերմարդկային ճիգեր գործ դնել, նաւակը հողմերից ազատելու համար...

— Բայց վա՛յ այն նաւավարին, որ արհամարհում է այդ բոլորը և ուշադրութիւն չի դարձնում սպառնացող վտանգին, որը կարող է իրան և իր ծնատուած առաջաստներով նաւակը իջեցնել ծովի անդունդը...

Նա թողեց և հեռացաւ:

Ես զարմացած նայում էի նրա ետևից:

Ս. ՐՕՖՖՕՐ

ԸՆԿԵՐԻՆ

Ահա, առաջիկ հարթ ու լայն ուղի
Դա երջանկութեան որրանն է տանում.
Գրնան դորանով առանց երկիւղի,
Դու կը վայելես հրճուանք ու խնդում:

Եւ քո կեանքի մ'էջ չես տեսնի նրբէք
Ոչ հոգու կսկիծ, ոչ սրտի ծըմլում,
Հաճոյք ու վայելք է ամենուրէք
Եւ կեանքը այնտեղ մ'ի գոյնով է գնում:

Կայ մի անյ ուղի—փռշոտ, քարքարոտ,
Որը, տնս, ճըգտով է դորա կողքին.
Ախ՛, այս նեղ ուղուն ոչ որ չի կարօտ,
Բոլորն ատում են սորան դառնագին.—

Ինչպէս ցաւն ու վիշտն է այնտեղ օտար
Եւ մարդն ապրում է հանգիստ, անխրոով,
Նոյնպէս եւ անդորրն է այստեղ օտար
Եւ մարդն այրում է կեանքի ցաւերով:

Կեանք էիր փրնտրում, ահա քեզ, ընկեր,
Երկու զանազան կեանքի ծանապարհ.
Մէկը քարքարոտ եւ մրռայլ պատկեր,
Միւսը զըրաւիչ, հարթ ու հաւասար...

Վ.Ս.ԵՄ.



ԺՈՂՈՎՐԴԻ ՄԷՋ *)

ԲՕՁԵԴԵՐԻ

Տասնութկերորդ կիրակի

Էհ, սիրելիս, ոչինչ օղնել չի կարելի: Իմ այս նամակից էլ օղրկօրօնի հոտ չի գալ: Մարտի կէսն է, դարունը դեռ հեռու է և ստիպուած եմ դարձեալ փարախն առանձնանալ և այնպէս դրել քեզ:

Անցեալ շաբաթ լալ օրերին մի անգամ երիտասարդ Բոխեր-լի հետ միասին նկուղում նստած բուրդ էինք դղում, որը աշ-նան վերցրել էին ոչխարներից: Ոչխարից մինչև ջուհակի գոր-ծիքը նոյնքան հեռու է, որքան հասարակ կտորից՝ բանկային տոմսակը: Այս գործը առանձին գիտութիւն և վարժողութիւն է պահանջում: Սակայն բուրդը զգել երեսան էլ կարող է: Մի-միայն ես, որ առաջ քան այսպիսի տարօրինակ կերպով երեսայի փոխուելս, արդէն տղամարդ էի դառել, պէտք է վարժուէի դորանում: Նկատելով, որ թելերը հատ-հատ վերցնում և մաս-մաս եմ տնում, Բոխերը ցոյց է տալիս, թէ ինչպէս պէտք է ա-նել: Նրա համար էլ ծանր է այս աշխատանքը, որովհետև մէկ ծեռքով է գործում: Նայում եմ այս գեղեցիկ երիտասարդին, որ գուցէ իր ամբողջ կեանքում դատապարտուած է թերանդամ մնալու և հարցնում, թէ ինչպէս պատահեց այդ դժբաղդութիւնը նրան:

Նա բարձրացրեց վրաս խոշոր, ճղճիմ, երբեմն առանձնա-յատուկ կերպով փայլող աչքերը և ասաց:

— Վայրի այժն է մեղաւոր:

Յետոյ յանկարծ ծիծաղեց և շարունակեց.

— Վայրի այժր: Վայրի՞ այժ ասացի: Տեսնում ես, հանդիլ, ինչ վատն եմ. ինչով է վայրի այժր մեղաւոր, որ ես ուղեցայ հրացան արծակել:

*) Լուծայ 1909 № 3.

— Ճշմարիտ է, հին պատմութիւն է այդ: Գիւղացին պէտք է իր արտերը պաշտպանէ վայրի կենդանիներից. և մինչդեռ խեղճ մարդը պահպանում է իր ունեցածը, անիծեալ որսորդը գնդահարում է վայրենի այծին, քայք գնդակը վրիպում է և վիրաւորում գիւղացուն:

— Ոչ, հանգել, այս դէպքում այդպէս չէր: Տեղն էր ինձ: Վայրենի այծը ծանուր ոչ ցորեն է ուտում և ոչ խոտ: Հէնց այնպէս ուղեցալ արծալէլ: Իսկ երբ մի բանի ցանկութիւն եմ զգում, ոչ մի բան չի կարող յետ կասեցնել ինձ... երբեմն ամբողջ կէս գիշեր սպասում էի վերեւ հրացանը ձեռիս: Բայց վիճակուած չէր ինձ... մի անգամ հրացանը վրիպեց. մի այլ անգամ երբ նշան դրի, կրակելու ծայն լսուեց, միայն ոչ իմ հրացանի: Որսորդն էր արծալէլ, գնդակը կպաւ ձեռիս և մինչև այսօր էլ դեռ մնում է մէջը: Նոյնիսկ չ'կարողացայ մտածել, որ գնդահարել են ինձ: Երբ ուշքի եկայ, քահանան կանգնած էր մօտս և խօսում էր մահուան մասին: Թող ինչ ուզում է լինի, մտածեցի ես, և կրկին քնեցի: Բայց գնդակը չ'թողեց երկար քնելու...:

— Նեղացնում էր:

— Ի հարկէ՞ նեղացնում էր:

— Ո՞վ կրակեց բեղ վրայ:

— Անիծեալ Կոնրադ որսորդը:

— Հախն էր բեղ:

— Ի հարկէ հախն էր: Որովհետեւ որսի վրայ էի արծակում, իսկ այդ արգելուած է: Սակայն որսորդն էլ իրաւունք չունէր մարդ գնդահարելու: Նա կարող էր հրացանս խլել: Եթէ հակառակէի, կարող էր խփել ինձ: Բայց ո՛չ: Այս գրնդակը մարդասպանի գնդակ էր: Նա թշնամի է ինձ: Ասում են որ կարող եմ զանգատուել: Բայց ի՞նչ օգուտ եթէ նրան բանտարկեն: Ձեռքը դրանով չի առողջանայ: Նա աւելի թանկ արժէ, սիրելիս:

Այդ վայրկենին կ'ախենայիր նրանից: Ուղեցալ հանգստացնել նրան:

— Իսկ որսորդը վախեցաւ, — շարունակեց Ռոխերը: Նոյն

օրը եկել էր առողջութիւնս հարցնելու: Ասում էր, թէ ուղում էր միայն հրացանը ձեռքը վայր դրել տալ. իսկ ինձ բոլորովին պատահմամբ էր դիպել: Ես չեմ էլ բարկանում քեզ վրայ, ասացի: Գուցէ երբեք քեզ փոխարէնը կհատուցանեմ քեզ:

— Ես քո տեղը լինէի՝ աւելի տկար ձեռքի մասին կմտածէի, քան որսորդի:

— Ձեռքը կառողջանայ: Ձիւթը գնդակը դուրս կքաշի:

Որքան ցաւում եմ երիտասարդի վրայ: Ձէ՛ որ նոր է սկսում կեանք մտնել: Ի՞նչպէս պէտք է աշխատի և պաշտպանուի: Բայց նա վստահութեամբ է նայում իր մշուշապատ ախուր ապագային:

— Րոխերլ, ասի ես, — Ձեռք կառողջանայ: Բայց ձիւթը չի օգնի. բժիշկ է հարկաւոր քեզ:

— Արդէն հարցրել ենք Մարենցելին, որը զանազան դեղեր է պատրաստում: Նա ասաց որ բժշկի չդիմենք: Բժիշկը անմիջապէս ձեռքը կանդամահատի: Աւելի լաւ է փչացած ձեռքը մնայ: Իսկ գնդակը դուրս կգայ: Լիպուսինը պէտք է երեք անգամ լուսաւորի նրան:

Այժմ հասկացայ, թէ ինչու երեք շաբաթ առաջ իրիկնադէմին տղան կանդնոծ էր դրան առաջ և դժբաղդ ձեռքը դէմ անում ծագող լուսնին:

— Գուցէ այսպէս աւելի լաւ է: Ձէիր կարող քեզ զսպել, տեղն է քեզ:

— Իսկ դու չե՞ս խղճում խեղճ անասունին: Ձէ՛ որ նա կեանքը քեզանից պակաս չէ սիրում:

— Բայց որսորդը մտածում է դորա մասին: Եւ ժամանակ էլ չկայ մտածելու, այլապէս կենդանին կփախչի. կամ թէ, միևնոյն է, մի ուրիշը կսպանի նրան:

— Թող, Րոխերլ, միայն զողին է յատուկ այդպիսի պատճառաբանութիւնը:

— Ճշմարիտ է, բայց աշխարհի երեսին որսորդութիւնից աւելի զուարճալի բան չկայ:

Եւ միւսնոյն տղան մարմնացած հողացողութիւն է ներկայացնում բնտանի կենդանիներին վերաբերեալ: Ամեն ճաշից յետ, պատուհանից փշրանքներ է ածում ճնճղուններին ձմեռուայ

համար:

Կովերի մասին, ճիշտ է, Բարբելն է հոգում. իսկ որտեղ նա է, ուրիշ ոչ ոք պետք էլ չէ: Անցած օրը մեզ մօտ փոթորիկ էր: Գիշեր էր: Ինձ կանչեցին սենեակը, որ օդնեմ աղօթքի մէջ և եթէ կայծակը խփէ, պատրաստ լինեմ: Ամպը դռում էր ահռելի կերպով: Ռոխերը շապկանց կպել էր վառարանին, դռնում էր, լաց լինում, ականջները ծածկում ու քրոջը կանչում: Բարբելին արթնացրին և երբ նա եկաւ, Ռոխերը բոլորովին հանգստացաւ: Աղջիկը չէր աղօթում, ոչինչ չէր ասում, այլ միայն մտախոհ կերպով դուրս նայում: Շուտով փոթորիկը անցաւ և ամեն ինչ հանգարտուեց: Կարծես աղջիկը հանգստացրեց բնութիւնը:

Դարձեալ նրա մասին եմ խօսում:— Բայց չէ՞ որ չիմարութիւն է այս:

ՔՈ ՀԱՌԱՏԱՐԻՄ ՎԱՐՁՈՒՈՐ:

Տասնեւերկուերորդ կիրակի

Զգայուն և ցնծացող մարդիկ կասէին, որ համարձակիչներս բարքի վեհանձնութեան և սիրելի բարեօժեմութեան տէր մարդիկ են: Ես ուղղակի կասեմ, որ ամենաբարի մարդիկ են:

Բացի ընտանիքի փոքր ինչ խիստ մօրից, ամենքն էլ հեղութեամբ և ուշադրութեամբ են վերաբերում զէպ իրար: Երբ հօր շնչարդելութիւնը սկսում է, բոլորեքեսն էլ աշխատում են թեթևացնել նրա ցաւերը, թէպէտ և կիւսախտի մի քանի փշրանքն աւելի ուժեղ է լինում, քան շրջապատողների ամբողջ սէրը:

Բայց երբ Մարենցելը, ինչպէս օրինակ պիտի չի բերում, ամենքն էլ յուսահատութեան մէջ են լինում: Պառաւր, ինչպէս երևում է, նեղացել է. բայց ինչից: Արդեօք նրա համար, որ մայրը արգանակը նրա համար նստարանի վրայ պատրաստեց և ոչ սեղանի: Կամ թէ որ փրանցելը նրա խլրդաշունը «շուն» անուանեց: Սակայն խոտը սպառուել էր և Ռոխերին ուղարկեցին պառաւին որոնելու: Նա գտաւ պառաւին հովտում, ուր իր դեղին խլրդաշան հետ միասին, որին միշտ փոքրիկ կողովի մէջ հետը ման էր տծում, ողորմութիւն էր հաւաքում: Ռոխերը ծնողների կողմից հրաւիրեց նրան մօր ձեռքով

պատրաստած թարմ կարագը հաշակելու:

— Բարի, ասաց պառաւր—եթէ բարի նպատակով են խնդրում, չեմ վախճի: Եւ Րոխերլի հետ միասին բարձրացաւ սարը: Սենեակը մտնելով, նա վերցրեց իր լախնեզը զլխարկը և կծու հարցրեց.

— Որտեղ կհրամայէք նստեմ:

— Ինչտեղ կամենաս, ինչտեղ կամենաս, Մարենցել, ասաց մայրը—կատարեսալ դժբաղդութիւն է մեզ պատահել. ժերուկի կուրծքը շարունակ ցաւում է:

— Ահա՛ թէ ինչ: Գարնանը այգւկս է լինում: Հարկաւոր է ուշադրութիւն դարձնել:

Իսկ խոտի մասին ոչ մի խօսք:

Երբ Մարենցելը կերակրեց իր շանը, և ինքն էլ կերաւ կարագով հացը, մայրը կիւսախոտ խնդրեց նրանից:

Մարենցելը վիզը երկարացրեց, աչքերը չռեց, ձեռքերը դողացին:

— Կարծում եմ կարագով հիւրասիրելու համար չէ որ հրաւիրում էք խեղճ մարդուն, այլ կիւսախոտ ստանալու համար նրանից: Աւելի լաւ կլինէր սկզբից ասէիք: Հետս խոտ չունիմ:

Ես վհռեցի մի նոր դաս տալ պառաւին:

— Տիրուհի, ասացի ես այնպիսի տեսք ընդունելով իբր թէ ամենեւին ուշադրութիւն չեմ դարձնում Մարենցելի վրայ,— երբ հօր շնչարդելութիւնը կրկին սկսուի, ես լաւ դեղ դիտեմ դրա դէմ. պէտք է վերցնել դեղին խլրդաշան ճարպը: Սրտի ցաւի համար աւելի լաւ միջոց չկայ: Պէտք է մեզ հոտած կիւսախոտը:

Պառաւ Մարենցելը նայեց ինձ այնպիսի տառելութեամբ, որ դժուար է նկարագրել և սկսեց քրքրել կողովը: Երեսոց մեծ քանակութեամբ կիւսախոտ, վերքերի համար ձիւթ և այլ բաներ:

Երբ նա գնաց և հայրը ծուխը ներշնչեց, ես այնուամենայնիւ նկատողութիւն ստացայ: Աղաման ասաց, որ թոյլ չի տայ իր տանը ծաղրել տոռղջարար միջոցները: Պէտք է դո՛ւ լինել Աստծուց, որ այսպիսի խոտեր է ստեղծել: Իսկ շանը ինչո՞ւ վի-

րաւորել: Թող խեղճը մխիթարուի նրանով: Դեռ լաւ է որ մինչև այժմ սիրում է նրան:

Բայի աւար որդուց, ծերունիներին խիստ անհանգստացնում է և հեռաւոր զինուոր Վալենտինը: Վաղուց սպասում են նրա արձակուրդին: Ծննդեան ուղարկել էր իր լուսանկարը: Բոխերը կտխեց այն պատից սրբերի շարքում, բայց ծերը ցած բերեց:

— Առանց այդ էլ աղօթքի ժամանակ շատ ես մտածում աղայի համար. պատկերին նայելով աւելի շատ կմտածես:

Հնդհանուրի պարծանք է փոքրիկ Փրանցելը: Ուսուցիչը շատ է գովում նրան: Միւս սարի ծերերը կողքենային հոգեւոր գալրոց ուղարկել նրան: Հոգեւորականների և մոլեռանդ բանանների մեծ մասը զիւղական դասակարգից են առաջ դալիս: Նրանց մէջ է գտնւում դեռևս երկրազնչի անձեռնմխելի ոյժը և նրանք էլ նոյն ազդեցութիւնն ունին պատմութեան վրայ, ինչ որ ուրիշ երևոյթները: Ծերունիներին ամենանուիրական ցանկութիւնն է, խորը ծերութեան հասակում ներկայ լինել իրանց որդու ժամերգութեան:

Բայց ամենաթանկազինը, նրանց աչքի լոյսը Բարբէլն է, թէպէտև դորա մասին բոլորովին բան չեն ասում: Եթէ նա բացահայ է, ամենքը հարցնում են նրան. եթէ փայտ է կոտրւում, բոլորն էլ անհանգստանում են, ծանր չէ՞ արդեօք այդ աշխատանքը նրա համար. եթէ հաշի ժամանակ զգալը ցած է դնում, յուզուած հարցնում են, ինչո՞ւ չես ուտում, զաւակս: Դիշերները հօ չէս մրսում, Բարբէլ: Ոչ մի տեղդ հօ չէ՞ ցաւում, Բարբէլ:

Մի անգամ, երբ աղչիկը տանը չէր, աւամայ ունկնդիր և զայ Ադամի և կնոջ խօսակցութեան:

— Սիրտս անհանգիստ է.

— Ինչի՞, կնիկ:

— Ինքս էլ չգիտեմ թէ ինչու:

— Եթէ ծանր ես զգում քեզ, խորհուրդ եմ տալիս մի փոքր փնթփնթալ և ամեն ինչ կանցնի...

— Կատակ մի անի, ծերուկ: Հանաքների սիրտ չունիմ:

Միթէ չես նկատում, Ադամ, որ այժմ նա միշտ տխուր է:

— Ո՞վ:

— Բարբելը, և ամենեին չի ծիծաղում:

— Բարբելը: Չի՞ ծիծաղում: Գիտես այժմ ես էլ այդպէս եմ կարծում: Յիշում ես, առաջ նրան տան զանգակ էինք տնուանում:

— Այժմ այն չէ, և վաղուց արդէն այն չէ: Ձեմ էլ չիշում թէ երբ էր ծիծաղում: Ջուրը ընկնելու օրից բոլորովին փոխուեց:

— Ինչից կլինի արդեօք:

— Յանկարծ եթէ մի բան պատահած լինի: Ո՛հ, երկնային թագուհի, մտածելն անգամ զարհուրելի է:

— Երևի ծեռքից կլինի:

— Ձեռքից: Նրա ծեռքերը առողջ են:

— Ոչ, Բոխերլի ծեռքի պատճառով:

— Բայց ինքը, Բոխերլը, չի գանգատուում:

— Կարծում ես շատ ուրախ է: Էհ, մօրը այդպիսի բան մի ասի. թէ որ կարելի լինէր բոլոր որդոց տանջանքները իր վրայ վերցնել, ո՞րպիսի ուրախութեամբ կստանձնէր մայրը:

Ճաշի ժամանակ Հօլլենդորֆից վերադարձան տան միւս անդամները և հետները Վալենտինից նամակ բերին: Նա պատկած է Լայբախի հիւանդանոցում: Ձի զրում թէ ինչ է պատահել: Գրում է միայն իւրայինների, իրանց տան մասին: Առաջինը լաց եղաւ Փրանցելը, յետոյ Բոխերլը: Մայրը անշարժ նստած էր վառարանի մօտ: Բարբելը ծեռները գոգնոցի վրայ դարսած, իր խոշոր տխուր աչքերով նայում էր պատուհանից:

Սկսում եմ մխիթարել:

— Հիւանդանոց. տեսէք թէ ինչ է պատահել: Ես երկու անգամ եմ հիւանդանոց եղել. մի անգամ չորս, իսկ միւս անգամ վեց շաբաթ պառկեցի: Ամեն ինչ կայ այնտեղ, միայն մի քիչ տկար ես զգում քեզ: Տաք անկողին են տալիս, միս, բժիշկը այցելում է: Իբրև իշխանի են քեզ ծառայում: Ոչ աշխատել է հարկաւոր, ոչ վալժուլթիւնների պէտք է զնաս, ոչ պատժւում ես, ոչ հայրոյանքներ լսում, և ժամանակը անցնում է այսպէս: Երբեմն մինչև անգամ հիւանդանոցում ուրախ էլ է

լինում: Խօսում են, թուղթ են խաղում, հանաքներ անում, ժիծաղում: Կան հիւանդներ, որոնք առողջանալու վրայ չեն ուրախանում:

Սյա անգամ, սիրելի փրկիսփայ, հալալ վաստակեցի արգանակր: Ամենքի դէմքերն էլ պարզուեցան:

— Փող չի՞ ուզել, — հարցրեց մայրը:

Նամակը կարդում էր Րոխերլը և հօր ականարկի համաձայն նամակի վերջին տողի վերաբերմամբ լուռ մնաց:

— Նա դեռ ոչ մի անգամ փող չի ուզել, — ասաց մայրը:

Իսկ նամակի վերջին տողում գրած էր «անգին ծնողներ, խնդրում եմ ուղարկէք ինձ միմիայն երկու գուլդէն»:

Մերը ուզում էր առաջ որդոց հետ խորհրդակցել և յետոյ այնպէս ասել մօրը:

Նախընթաց օրը իմ ներկայութեամբ երեք անգամ եկել են հարկի համար: Հարկահանը ինչոր հին պարտք էր պահանջում: Ստիպուած եղան վերջին կոպէկները տալ նրան: Նա զնաց ասելով, որ եթէ մինչև զատիկ ամբողջ պարտքը չվճարուի, պարտքի մէջ կվերցնի նրանց երկու եզր: Հարկահանի այցելութիւնից յետոյ Ադամի շնչարգելութիւնն սկսուեց: Իսկ զինուոր որդու նամակը ուղղակի խոցեց նրա սիրտը:

Բայց նկատեցի, որ Բարբելի դէմքը փայլում է:

— Փող չի՞ հարկաւոր Վալենտինին, հարցրեց նա:

— Զինուորները միշտ փողի կարիք ունեն, — պատասխանեց հայրը:

Մի քանի լուպէից յետոյ աղջիկը իր սենեակից դուրս բերեց գոյնղզոյն թելերով կարած մի քսակ և հանեց նրանից ութ թիւ թէ տասը թղթէ գուլդէններ:

— Բարբել, որաեղից է այսքան փողը, բացականչեց մայրը վախեցած:

— Մոռացել էք, որ մօրաքոյրս իր կարողութիւնը ինձ է կտակել: Ախ, Աստուած, որքան գեղեցիկ է նրա խիստ դէմքը խորամանկութեամբ ժպտալու ժամանակ:

— Բայց չէ՞ որ մօրաքրոջիցդ մնացած փողերը ուզում էիր Կայլինի խնայողական գանձարանը տանել:

— Ինչ հարկաւոր է գանձարանը, երբ տանն էլ կարելի է պահել:

Ես նայեցի հանած թղթերին և սարսուացի: Բոլորն էլ արդէն երկու տարի առաջ դորժածութիւնից դուրս եկած թղթեր էին:

Իսկ նրանք ուզում են Վալենտինին ուղարկել: Ախ, Ադամ, Ադամ: Երբեմնակի լրագիր կարգալը վատ չէր լինի:

Այժմ խնդրում եմ քեզ, բարեկամս, պատասխանես հետեւեալ հարցերին: Ձեռք սրտիդ դրած ասա ինձ՝ քաջութիւն կունենալի՞ր դու հասկացնել այս արարածին, որ այնքան ժամանակ խնայողութեամբ քսակի մէջ պահուած դրամները ոչ այլ ինչ են, բայց եթէ հասարակ, բոլորովին անպէտք թղթեր: Այս վարձունքը աւագակի մեծ ճանապարհին փող չափշտակելու պէս բան կլինէր:

Մօտեցայ սեղանին:

— Լսիր, Բարբել, — ասացի ես, — տուր այստեղ տեսնեմ: Քո ունեցածը ութը գուլդէն է: Պոստատանը այդ փողերը չեն ընդունում: Այժմ դրամը փոխադրում են և պէտք է արծաթի դրամ վճարել: Այո, աղջիկ, դեռ չդիտես թէ ինչպէս կամակոր է երբեմն փոստը: Բայց դժուար չէ դորժին օգնել. տուր ես փոխեմ քո թղթէ դրամները արծաթի, ինձ աւելի յարմար է թղթէ դրամներ ունենալը...

Կեղծեցի, բայց յոյս ունիմ, որ այս կեղծիքի համար Աստուած թողութիւն կտայ իմ քաղաքի երեքհարիւր մեղքերի և կեղծիքների համար: Մի անգամ ասացիր, որ բարի մարդկանց հետ յարաբերութիւն ունենալը վարակիչ է: Համաձայն եմ քեզ հետ:

Դրամը ուղարկուեց նամակով, որտեղ գրուած էր, որ ասնր ամեն ինչ սուաշուայ պէս է, որ ծնողները, եղբայրները և քոյրը առողջ են, որ բոլորեքեան էլ աղօթում են Վալենտինի և նրա վերադարձի համար: Վերաւոր ծեռքի մասին ոչ մի խօսք:

Երբ նամակը գրուեց և բարձրածայն կարդացուեց, Բարբելը նայեց ինձ: Կարողացա՞յ արդեօք արտայայտել այն, ինչ նրա մտքումն էր: Աստուած իմ, մինչև այժմ ոչ ոք այդպէս

լաւ չէ նայել ինծ: Այսօր մեղ մօտ զարնան սկիզբն է... դարուն, դարուն, գիտնական:

«Կօնտինենտալ փոստ»-ի խմբագրութեան:

Տասնեւերեքերորդ կիրակի

Փօստով ինծ ուղարկած Ձեր ծաղրանքները ոչ մի տպաւորութիւն չեն գործում այլեւ ինծ վրայ: Չափազանց գռեհկացել եմ դոցա համար: Ներեցէք ինծ, որ համաքր իրողութեան փոխուեցաւ: Սկսում եմ հասկանալ, թէ ինչ է նշանակում կեանքը և սեպհական քրտինքով ապրելը:

Լրագիրը անհրաժեշտութիւն լինելուց զազարեց ինծ համար: Եթէ ցանկութիւն ունիք այսուհետեւ էլ առաքել ինծ, ուղարկեցէք պարոն Գուրգօ Վինտերին, Կայլինգի մօտի ճօյզենպորֆի դպրոցի ուսուցչին: Մեղ մօտ լրագիրը չեն կարողանում տանել, որովհետեւ այրելու ժամանակ չափից դուրս վառ հոտ է արձակում, ինչպէս ասում է մէկ լարգելի անձնաւորութիւն:

Այժմ այստեղ գետնից սկսում է հողի հոտ դալ, որը ինծ տպադրական թանաքի, կնդրուկի և վառօղի ծուխից չեաոյ առասպելական է թւում:

Իմ մասին անհանդիստ մի լինէք. տարուայ վերջին կրտսեանք այցելութեան քարտս: Վերջացնում եմ:

ՀԱՆՍ ՏՐԱՄԻՏԵՆԿՈՐՓԵՐ

Տասնեւչորսերորդ կիրակի

Անցեալ կիրակի յաջողեցայ գրել միմիայն «Կօնտինենտալ փոստ»-ի ձեռնարկողներին: Չանձրացրին ինծ նրանց թեթեւամիտ սրախօսութիւնները: Կար ժամանակ, որ ես էլ նրանց նրման մի բան էի:

Նախորդ կիրակի օրուայ մեծ մասը անցրի մի հին գիրք կարդալով, որը գտայ որդնակեր սնդուկի մէջ: Մի ձեր ամուրի մարդու երկրի և նրա պատմութեան նկարագրութիւն է: Սորանով ժանօթացայ նախահայրերիս հետ, որոնցից մէկին ճօհենշտաուֆէնների ժամանակ, Սուգարու շգում չորս մաս են

արել: Մտածել են, արդեօք, մի վայրկեան նախահայրերս, որոնք արչի միս էին ուտում, որ կգայ ժամանակ, երբ նրանց չաշորդները սխեռի ջրալի ապուր կուտեն:

Իսկապէս ասած, դեռ ոչ մի անգամ չէի փորձել, թէ ինչ տեսել է պաս բռնելը և երբէք չեմ էլ մտածել դորա մասին, թէպէտև ամեն օրացոյցի մէջ նշանակած կայ քառասնօրեայ պասը: Այժմ արդէն ստիպուած էի պաս պահել: Առաջ ամեն օր սխեռի արգանակ էին տալիս, իսկ այժմ ջրալի կերակուրներ, պասուկայ միակ համեմունք՝ սոխով: Բարեսիրտ Աղամ: Եթէ պաս օրերին մտնէր բարձրաստիճան հոգևորականների խոհանոցը:

Այնքան լղարել եմ, որ Բարբելը արդէն բաճկոնս նեղացրել է. սակայն ես ամենևին յոժի սպառումն կամ ինքնազգացողութեան թուլութիւն չեմ զգում: Զէ՞ որ քաղաքումն էլ են գոլում չափաւորութիւնը, լաւ օդը և մարմնական աշխատանքը: Բայց այնտեղ միայն ասում են, բայց չեն կատարում: Մասներէս կոշտերը վաղուց արդէն զաղարել են ցաւելուց: Քաղաքի կօշիկների փոխարէն հագնում եմ Վալենտինի երկար կօշիկները, որը մեծ չլինելու համար լցնում եմ զարմանով: Մնացեալ հագուստներն էլ տալիս են: Իմ զգեստս պահում եմ, յուսալով նրանով կրկին ձեր մէջ երևալ:

Մի քանի օր առաջ, սիրելի գիտնական, պատիւ ունեցայ վերջապէս բերել աղբի կոյտը: Աղբը սահնակներով տանում ենք զաշտ: Գիւղում ձիւնը երթեկութեանը ամենևնին չի խանգարում. աւելի շուտ թեթեւացնում է այդ: Սկզբում բաւական քաշում էի այդ աշխատանքից: Ոչինչ բան այնպէս ահ չէր ներշնչում ինձ, որքան զաւթի աղբակոյտը: Սակայն ոչ մէկը չի գորշում նրանից: Երբ առաջին անգամ պէտք է աղբի մէջ եղանք իջեցնէի, նոյն զգացմունքը ունեցայ, երևի, ինչ որ զինուորը առաջին անգամ կրակի մէջ գնալիս: Զի կարելի հերքել, որ աղբի կոյտը ուժեղ հոտ ունի, կարելի է ասել, նոյնիսկ, կծու հոտ ունի: Թէպէտ քաղաքում աւելի վատ բուրմունքներ էլ են լինում: Գիտե՞ս այդ հոտը ինչ լիշեցրեց ինձ: Ճաշկերոյթից յետոյ նուրբ պանիրները: Տանտէրս ժպտում է հողի չաղ շերտե-

ըր դիակելիս, որից գոլորշի է բարձրանում: Եթէ լաւ եղանակ լինի, հացը կրծի: Սկզբում աղբի սև կոյտերը կէտերի նման են երևում դաշտի վրայ: Գալիս է Բարբելը ու եղանով շաղ տալիս պարարտութիւնը: Հին բանաստեղծները կոսէին՝ ծաղիկներ է սփռում. ինձ թւում է թէ պտուղներ է ցանում: Բայց այդ մենք օգոստոսին կտեսնենք:

Բարի Ագամը մտախոհութեամբ նայում է, թէ ինչպէս են դաշտը պարարտացնում և ցածր ստում. թող Տիրոջ կամքը լինի:

Այս բառերը հրաշքների աշխարհում ապրող ամեն մի գիւղացու բերանին պատրաստ է: Տարին երեքհարիւր վաթսուն և հինգ օր ունի. սակայն ինչե՞ր չեն կատարւում այդ ժամանակամիջոցին: Երբեմն բոլորովին անհաւատալի բաներ են տեղի ունենում: Գիշերը տասնևվեց ժամ է տևում. իսկ մի քանի ամսից յետոյ ցերեկն է տասնևվեց ժամ տևում: Եւ այդ գիշերուայ և սյդպիսի ցերեկուայ ժամանակամիջոցում զարդանում են սաղմերը, ամեն ինչ ծաղկում է, շքեղ հասունանում, յետոյ թառամում և չորանում մահուան գրկում: Ի՞նչ երկար ժամանակ տեսնում ենք զեղեցիկ կանաչը, որքան ժամանակ սպասում ենք պտղի և այս ամենը կատարւում է կարճատև տարուայ ժամանակամիջոցին:

Այժմ երեկոները լսելի են լինում թէ ինչպէս աղմուկով են թափւում ձիւնի հիւսքերը: Բարձր սարերին ծեան շերտի տակ հաւաքւում են ջրերը և պղտոր առուակներով ցած թափւում, տանելով իր հետ ձիւնը և սառոյցը: Սարերը պարզ և որոշակի նկատելի են խոնավ օդի միջից և նրանց գազաթներին տաք քամի է փչում: Հովիտներում խոտը երևի արդէն կանաչել է... իսկ ձեզ մօտ սկսուել են նուազահասնդէսները, որտեղ կանայք հովհարներով ծածկում են իրանց ծանծրացող գէմքերը: Այդեպանները մաքրում և կտրատում են ծառաստանները. քամին քաղաքի փողին է բարձրացնում. գերծակները մի որևէ նոր յիմար ծեի դարնանային զգեստներ են պատրաստում... յիմարութիւնը ոչ մի տեղ այնքան յիմար չի թւում, որքան սրտին մօտիկ բնութեան մէջ:

Անցած կիրակի մօր և հօր միջև վէճ ծագեց:

Ասում են թէ շատ սակաւ է պատահում այդ որովհետեւ, ինչպէս Րոխերլն է ասում, «մայրը այն է անում ինչ որ հայրն է ուզում և հայրը նոյնպէս է վարւում ինչպէս մայրն է ցանկանում»: Թէպէտ այս անգամ արդարութիւնը մօր կողմն էր, բայց հայրը պնդեց իր ասածի վրայ և, օգտուելով հանգամանքից, լաղթող հանդիսացաւ:

Խնդիրն ահա թէ ինչու՞ն էր: Մեր հարեան Շրապերերի և Կուլմբոլի հետ միասին հովտից երկու գիւղացիք եկան մեզ մօտ: Կէս օրին այնպիսի հանդիսաւոր կերպով մտան խրճիթը, որ նոյնիսկ վախեցանք: Ուզում էին Աղամ Վէլլերին Լանգտադի ներկայացուցիչ ընտրել: Կրնդունի, արդեօք, այդ առաջարկը հարցրեց Կուլմբոլը:

Սկզբում Աղամը բան չէր հասկանում, քիչ լետոյ լրջօրէն հարցրեց:

—Ի՞նչ էք ասում: Լանգտադի ներկայացուցիչը պէտք է լինիմ ես: Բայց ես անպատրաստ եմ այդ գործի համար: Ես ոչինչ չ'գիտեմ և Կայլինգից դուրս ոչ մի տեղ չեմ եղել: Ես չեմ էլ հասկանում թէ մարդիկ աշխարհիս երեսին ինչ են տեսնում: Երևի ծաղրում էք ինձ:

—Հենց այդ պատճառով էլ քեզ ենք ընտրում, բացականչեց Շրապերերը:—Նրա համար, որ ուրիշների հետ ոչ մի գործ չունես և աւանդական սովորութիւններին հետևող ես, հենց դուրս համար էլ հարկաւոր ես մեզ: Մենք չենք ուզում ուղարկել այնպիսի մարդիկ, որոնք քաղաքականութեան մասին խօսել գիտեն, չենք ուզում ուղարկել հարուստ գիւղացի, որ կալուածատէրերի հետ չմիանայ: Մեր ցանկութիւնն է ընտրել տեղացի, ծեր գիւղացուն, որը հին սովորութիւնները և հին տնտեսութիւնը կուզենայ պահպանել: Մեր դաշտերը և մարգագետինները անփոփոխ են մնում. մենք պէտք է մեր ամառուայ և մեր ծմեռուայ համեմատ ապրենք: Մենք գործ չունենք այլ երկրների եղանակների հետ: Աղամ, դու պէտք է ինքդ վարձուորի նման աշխատես, գեղջուկի կարիքները լաւ ես հասկանում և բացի

տնտեսութիւնից ոչնչի մասին չես մտածում: Ահա թէ ինչի համար ընտրեցինք քեզ, Աղամ:

Աղամը լուռ էր:

— Ծանր կլինի քեզ համար, Աղամ, — միջամտեց Կուլմբոկը, — որովհետեւ դու բարի մարդ ես, չափազանց բարի, իսկ լանդտագումը պէտք է՝ կայծքարի նման պինդ լինել... քո բացակայութեան ժամանակ տան մասին էլ պէտք է հոգ տանես...

— Հարեան, կարծես ուզում ես նրա միտքը փոխել: — Մի մտածի, Աղամ, թէ տան զործերը չի կարելի մի քանի շաբաթ թողնել: Ամեն պատգամաւոր որոշ վարձատրութիւն է ստանում. կարող ես լաւ տնտես վարձել և դեռ մի բան էլ քեզ համար խնայել: Ամենիս բարիք արած կլինիս, եթէ համաձայնես: Մենք հաւատում ենք քեզ, ամբողջ շրջակայքն ասում է, որ Աղամից լաւը չկայ: Համաձայնիր, Աղամ:

— Համաձայնիր, Աղամ: Աւելացրեց Կուլմբոկը. բաղձաթիւ ծայներ կստանաս... ամենքին կյորդորեմ...

Այս անգամ Աղամը ծանրութեամբ բարձրացաւ, դարձաւ պատի կողմը և ասաց. — Ես ոչինչ չեմ կարող ասել:

— Ուրեմն համաձայն ես:

— Ո՛չ, սատանան տանի քեզ:

— Կտրականապէս, դեռ վիրաւորւում էլ է:

— Վիրաւորւում եմ: Ինչի՞ համար նեղանամ: Ես պէտք է ուրախ լինիմ: Բայց ես ուրախ չեմ և կեանքումս երբէք ուրախանալու էլ չեմ:

Նստեց վառարանի մօտ փայտի կտորի վրայ և սկսեց ծանրը շնչել:

— Աստուած իմ, դարձեալ այս շնչարգելութիւնը: Երբ տաքանում է միշտ այսպէս է լինում, ասաց պառաւը: Յետոյ դարձաւ եկողներին:

— Այս բոպէիս հօ չէ՞ հարկաւոր սրա համաձայնութիւնը: Մի երկու օր ժամանակ առւէք: Թող մտածի: Այնպէս չէ՞, ծերուկ, կմտածես:

Բայց ծերունին ոչինչ չէր լսում և ծանր շնչում էր գիւ-

ղացիները գնացին, խոստանալով երկու. օրից վերադառնալ: Երբ ծուխը ներշնչելուց յետոյ շնչարգելութիւնը անցաւ, ծայրը սկսեց նախապատրաստել նրան:

— Սյսպիսի առաջարկից հրաժարուելու համար փալասի կտոր պէտք է լինել, ասաց նա:

— Ի հարկէ լաւ կլինէր եթէ համաձայնուէի: Հօ չես կարող, երբ շնչարգելութիւնս սկսուի, շարունակ ծխով կողքիս կանգնած լինել:

— Ասենք յուզուելու այնքան բան էլ չես ունենայ: Ինչպէս ասում են, շատերը ամբողջ շաբաթներով նստած են լինում համբերի նման...

— Ինչպէս չէ, հանդիստ նստած կլինես, երբ այն ամենը՝ ինչ որ խօսում, են քո սրտովը չլինի: Միշտ նոր-նոր բաներ են հնարում, որից մենք, գիւղացիներս, քանդոււմ ենք: Առողջն էլ չի ուղենայ խօսել:

— Ուրեմն նստիր ըեզ համար, զրամբ միւնոյն է կվտարեն: Նա խիստ և սուր հայեացքով նայեց կնոջը:

Իսկ պտուաւը ասաց տւելի մեղծ.

— Ով զաւակներ ունի, չպէտք է արհամարհէ զրամբ: Բա՛նի այս օգտակար կապեր էլ կարելի է հաստատել: Մտածիր, չէ՞ր կարելի արդեօք Լանդտագում Վալբէտինի համար մի բան սարքել. ինչպէս և Ֆրանցելի համար: Յաւիտեան այստեղ մնալու հօ չէ՞:

— Սակայն ո՞ւր պիտի գնայ: Մենք հնուց արդէն այստեղ ենք ապրում:

— Բայց մի այլ տեղ կարող է նրա համար աւելի լաւ լինել:

— Նա պէտք է մնայ այստեղ. բացականս չեմ Ադամը. իսկ դու. դաւարիր յիմար խօսքեր ասելուց: Չեմ ուզում թող տալ, որ իմ անձնական շահի համար ընտրեն ինձ:

— Ա՛խ Աստուած. Ուրիշները կերթան իրանց շահերի համար: Այդ պատճառով էլ նստած են Լանդտագում:

— Խօսքերս մի խեղաթիւրի, կնիկ: Այլ բան է դատակարգի օգուտը փնտրել և այլ՝ անձնականը: Ժշմարիտ չէ՞:

Յուզմունքից ամբողջովին դողում էր. սկսեց առաջուռնից աւելի շնչասպառ լինել:

Մայրը հանդարտ ինչ որ շինում էր վառարանի մօտ: Երբ ձերուհուն ծուխը մօտեցրին, նա երկար ժամանակ չէր կարողանում շնչել: Ճակատի ջղերը սարսափելի ուռել էին, շրթունքները դողում և աչքերը չուել էր:

— Տէր Յիսուս: Բոխերլ, կանչեց պառաւը: Տղան երկիւղից վերցրեց մօմը և սկսեց վառել: Բարբելը վազեց ջրհորը և ջուր առեց խմելու անդադար կրկնելով՝ հայր, հայր, հայր: Ծերը շօշափեց աղչկայ ձեռքը և սեղմեց. «հ, դաւակս: Աննկարադրելի թախծութեամբ նայում էր դստեր և նրա աչքերի թերթերունքներից արտասուքի կաթիլներ էին կախուած:

— Ի՞նչ, դու իմ սիրելի դաւակն ես, ասաց նա վերջապէս, խորը շունչ քաշելով: Նա թեթևութիւն զգաց:

Այդ ժամանակից սկսած մայրը Լանդաուզի ընտրութիւնների մասին այլևս ոչինչ չէր խօսում: Երկու օրից յետոյ եկաւ Կուլմբոխը: Պառաւը խորհուրդ առեց նոյնիսկ չսկսել այդ խօսակցութիւնը: Կուլմբոխը հպարտութեամբ հեռացաւ, յուսալով, թէ Ադամը իր ծայր հարեանին կտայ, եթէ իհարկէ նրանցից մէկին ընտրելիս լինեն:

— Յիշում ես արդեօք ժողկազարդի մասին մեր դպրոցական ժամանակներից: Թէ ինչպէս Տէրը արժանենու ճիւղը ձեռին, աւանակի վրայ նստած մտաւ Երուսաղէմ: Այսօր մի մեծ փունջ ուռնում ճիւղերից ձեռքս հօլենդորֆ եկայ: Սա այստեղ ժողկազարդի էջ լինել է նշանակում: Ամեն տանից ժողովուրդին մի մի երիտասարդ ճիւղերը ձեռին և քահանան այդ ճիւղերը օրհնում էր եկեղեցւում: Ժամերգութիւնը խորհրդաւոր կերպով ներկայացնում է կտակարանի մէջ ասածները: Այս աւեսակ պարագաներին մարդու սիրտը բարեպաշտութեան նման մի բան է ներս սպրդում: Մի անգամ ասել ես, որ եօթանասուն տարի ապրելուց յետոյ, մարդը սովորում է Ասածուն հանաչել: Իսկ զիւղական վարժուորը աւելի շուտ է հասկանում նրան, հաւատացնում եմ քեզ. քաղաքի եկեղեցիներում ես բոլորովին անտարբեր եմ մնում, զիւղական եկեղեցում երկար կանգնել էլ չես

կարող, ակամայ չոքում ես. շուրջդ աղօթում են բարեպաշտ մարդիկ և դու զգում ես, որ նրանց հետ միասին մի ամբողջութիւն ես կազմում... Եթէ գիտենաս թէ այս աղքատ, հոգսերով լի, վիրաւոր մարդիկ ինչպիսի եռանդուն կերպով հետևում են աստուածապաշտութեան սրբազան խորհուրդներին: Բարեպաշտութիւնը երբէք էլ «հնացած բան» չէ, ինչպէս ումանք կարծում են: Բարեպաշտութիւնը-բնութիւնն է. նա կապուած է մարդու հետ և ինչպէս սէրն ու ատելութիւնը՝ մարդու յատկանիշն է կազմում:

Այսօր ժամերգութիւնից յետոյ, ճիւղերը բաժանելիս, ուսուցիչը, չգիտեմ ինչու, Բարբելի մօտից անցաւ առանց կանգ առնելու, իսկ նա երեսը շուռ առեց և նոյնիսկ չնայեց ուսուցչի կողմը: Նկատել եմ, որ աղջիկը այլևս կարդալու զրքեր չի վերցնում նրանից: Դէպի ինձ ուսուցիչը միատեսակ չէ լինում տրամադրուած: Երբեմն կարծես խռոված է լինում, իսկ այսօր մի գեղեցիկ ճիւղ ընծայեց: Օրհնած ճիւղերի փունջը տանտիկինը պահեց, ասում են նրա մէջ այնպիսի ոյժ է ծածկուած, որը կարողանում է ամառը ամպի գոռոցները հանդարտեցնել:

— Պահեմ արդե՞օք իմ ճիւղը: Մի՞թէ սոքա մարտիրոսութեան նամակներ են արդէն. կամ այս ճիւղը կպահպանի ինձ չար ոյժից: Ախ, Բարբել: Ի՞նչ կլինի, երբ ամառը երկնքի վրայ կայծակներ փայլատակեն:

Մարդկային սիրտը, բարեկամս, որպէս փոքրիկ կարմիր ճրաղ, խուսար միջնադարից ողջոյն է ուղարկում քեզ:

Թարգմ. ՕՐԻ ՆՈՒԱՐԴ ԱՂԱՆԵԱՆՑ

(Կը շարունակուի)



ՏԵՐ-ԳԱՅՐԻԻԵԼ

ՊԱՏԿԱՆԵԱՆՑԸ ¹⁾

Գլուխ ԺԲ.

Ս. Պետերբուրգում Պատկանեանցը մնում է 1863-ի օգոստոսից մինչև իւր մահը— 1889 թուի Ապրիլի 13-ը, այսինքն համարեա թէ 26 տարի։ Նորա Պետերբուրգի փոխադրուելը լինում է, ինչպէս ասացինք, իւր բարեկամների ջանքով, նամանաւանդ Նալրանդեանցի, որ թէև իշխանաւորների շրջանում ազդեցութիւն չունէր, բայց կապեր ունէր, բարեկամութիւն էր հաստատել այնպիսի մարդկանց հետ, որոնց ծայր լսելի էր դիրք ունեցող անձանց ականջին, որոնց խօսքը անցուկ էր բարձր շրջաններում։ Նա բուռն սիրով սիրում էր իւր վարժապետին, յարգում էր նորա զիտութիւնը, համակրում էր նորա դորժու-նէութեան և հպարտանալով իրան կոչում էր, նամանաւանդ առաջին ժամանակները, աշակերտ Պատկանեանցի և ստորագրում էր իւր գրուածների տակ «Ս. Նալրանդեանց յաշակերտութենէ Տեր-Դաբրիէլ Պատկանեանցի»։ Եռանդուն, աչքաբաց, կենդանի, նա ամեն տեղ մտնում էր, ամենի հետ խօսում էր, շատերի հետ զրազրութիւն էր անում և իւր այդ կրակոտ դորժունէութեան մէջ երբեք չէր մոռանում իւր «վարժապետի դորժը»։ Ծերակուտի դատավճռի փոխելը հէնց պէտք է վերագրել մայրաքաղաքի հայ մեծամեծների ազդեցութեան, որոնց շարժել, դորժել տալու մեքենայի գլխաւոր շարժերակը դտնուում էր իշխանաւորութեան տեսակէտից աննշան Նալբանդեանցի ձեռքին։

¹⁾ Լումայ 1909 № 3.

Պատկանեանցն էլ փոխադարձաբար սիրում էր Նալբանդեանցին և համարում էր նորան արդիւնաբար զաւակ Նախիջևանի և ամբողջ Հայոց ազգի, որի շահերին նա անձնատուր էր, բայց չէր հաւանում նորա յեղափոխական գործունէութեան, որով նա վստահի մէջ էր ծղել ոչ միայն իրան, այլ և իւր մեկենաս Հայրապետեանցին. նորա գործունէութիւնը Պատկանեանցի աչքին ոչ ազգասիրական և ոչ հայրենասիրական էր երևում. նա կարծում էր, որ նա շեղուել է ուղիղ ճանապարհից և ցաւալի վախճան է գտել, կամենալով զխոյ բանալ ճանապարհ ապառաժի մէջ: Պատկանեանցը նորա կալանաւորուելը և բանտարկուելը համարում էր Ալվադեանի և Խալիբեանի ձեռքի գործը, որոնք մատնել էին նորան տէրութեան ձեռքը, ասելով, որ նա խառն է Լեհաստանի վերջին ապստամբութեան գործի մէջ: Ճիշտ է, նորա թղթերը, որոնք ընկել էին իշխանութեան ձեռքը, շատ էլ անարատ ու մաքուր չէին, բայց նորա թէկ հանճարեղ, բայց յանդուգն գրիչը ամենամեծ զէնքն էր նորա հակառակորդների ձեռքին, որով նոքա հեշտութեամբ յաջողում էին խոցել նորա սիրտը: Պատկանեանցի աչքին Նալբանդեանցը մի նիհիլիստ էր, կամ, ինչպէս ինքն ասում է, մի չնչահաւատ, և այդ նիհիլիստական ուղղութիւնը նա ստացել էր ոչ արտասահմանում օտար երիտասարդներից, ինչպէս որ կարծուում է, այլ Մոսկուայում իւր ուսանողութեան, և Լազարեան ճեմարանում վարժապետութիւն անելու ժամանակները և զարգացրել ու արձատացրել էր իւր մէջ այդ ուսմունքը, նստանաւանդ գործակցելով չիւսիսափայլին և ծանօթութիւն անելով Ս. Նազարեանցի հետ: Այդ դադափարով էլ նա զնացել էր Ս, էջմիածին և ճանապարհորդել էր Լոնդոն, Պարիզ, Պոլիս և չնչկաստուն և ճանապարհին պատահել էր մի քանի չնչահաւատ Հայերի, որոնց հետ ծանօթացել էր դեռ Ռուսաստանի մայրաքաղաքներում, և խրախուսութիւն գտել նոցա «խօթամիտ» խօսքերից: Այդ բոլորի հետեւանքը եղել էր այն, որ խեղճը կարծել էր, թէ ինքն ինչպէս Պարիզի Սխաի մէջ քաջ է, այնպէս էլ կենցաղագիտութեան մէջ անսխալ. նա եղիշէի մէջ սեփականելով իրան Վարդանի անձնուրացութիւնը

և Փարպեցու մէջ Վահանի անձնուիրութիւնը, բռնել էր այն ընթացքը, ընկել էր այն ճանապարհը, որ միայն շրջովիկ արկածախնդիրները կարող են ճանապարհ համարել դէպի փառքի տաճարը:

Պատկանեանցը Նալբանդեանցի Կարապետ Հայրապետեանցին մօտենալու պատճառը, բացի ուրիշ հանգամանքներից, համարում էր և անձնական շահը, նորանից փող կորզելու, ռոճիկ ստանալու շարժառիթը: Եւ այդ նպատակին հասնելու համար, նա, քահանայի ասելով, զործ էր դրել ամենաստույգ միջոցը և՛ ընտրել էր ամենամօտ ու անվրէպ ճանապարհը. նա աշխատել էր ամեն ձեռքից եկած միջոցներով արծարծել նորա մէջ փառասիրական կայծը, բաշ տեղեակ լինելով, որ եթէ միանգամ բորբոքուեց այդ հարուստ մարդու մէջ կրակը, հիշեհ կառաջանայ և այլևս դժուարութեամբ կհանգչի: Հայրապետեանցը աշակերտել էր Լազարեան ճեմարանի աշակերտ Թէոդորոս Սաղամեանին, որ իւր աշակերտների համար սովորութիւն է ունեցել բարեկենդանին զանազան ներկայացումներ սարքելու և այդ նպատակով գրել է զանազան պատմական ողբերգութիւններ, որոնց մէջ յայտնի է եղել նորա շարադրած Վարդան Մամիկոնեանի եղերեգութիւնը, որի մէջ Վարդանի դերը կատարել է Հայրապետեանը և չափազանց յափշտակուել Եղիշէի հերոսի նահատակութեան հանգամանքներով: Ահա՛ նորա այդ թոյլ երակի վերայ սիրել է խաղալ Նալբանդեանցը և ազդասիրութեան պատրուակի տակ, գրգռել ու յարուցել է նորա մէջ փառամիրութիւնը: Այս բոլորը ապացոյց տալու համար, Պատկանեանցը պատմում է մի դէպք, որի ճշմարտութիւնը թողնում ենք նորա պատասխանատուութեան: Երբ նա դեռ նոր միայն դուրս է եկած լինում բանտից, ստանում է նամակներ Թիֆլիզից ուս. էջմիածնից, որոնց մէջ տեղեկութիւններ են լինում Ալվաղեանի և Խալիբեանի թեւակոխութիւնների մասին հնդկաց հրիտակների վերաբերմամբ. նա այդ նամակները տանում, կարդում է Հայրապետեանցին, որ հետաքրքրուում էր և միտք ունէր շուտով յարուցանելու հրիտակների խնդիրը: Հէնց այդ ժամանակն էլ ստացուում է Նալբանդեանից մի նամակ, որի մէջ «այն

շողոքորթը պանրի ակնկալութեամբ նորա քաղցրիկ դայլայլիկն ներբողելով, կը ակնարկէր նորա եղերեզութեան մէջ Քաշ Վարդանի դերն»։ Հայրապետեանցը այնպէս զմայլունում է նամակի խօսքերից, որ սուրբ Հոգուց ազդուած մարգարէութիւն է համարում նրան ու այնպէս է ցոյց տալիս, որ ինքը պատրաստ է Վարդանի նման նահատակուել Նախիջևանում։ Պատկանեանցը հարցնում է, թէ այդ նամակից երևում է, որ Նալբանդեանցը ծեղանից ամսական ռոճիկ է ստանում։ Հայրապետեանը ծիծաղում է և պատասխանում։ «Ի՞նչպէս իմացար. ճշմարիտ է, ես նորան ամիսը հարիւր ռուբլի եմ նուիրում»։

Վերջերում, ինչպէս յայտնի է, Հայրապետեանը մոտամբ իրագործում է Նախիջևանում Վարդանի պէս նահատակուելու իւր ցոյց տուած յօժարութիւնը։ Նա եթէ չի նահատակուում խօսքիս բուն նշանակութեամբ, գոնէ, մեծամեծ նեղութիւններ է քաշում, ենթարկուելով մատնողութեան և ամբաստանուելով տէրութեան առաջ իբրեւ քաղաքական յանցաւոր այն բանի համար, որ նա փոխադրել էր Նալբանդեանցի մարմինը Նախիջևան և մեծ հանդիսով յուղարկաւորել էր նորան։ Տէր-Եղիա Շապոնիկեանի, Խալիբեանի և Ալփադեանի ջանքով քննութիւն է բացուում և սկսում հետազօտութիւն, թէ արդեօք ճշմարիտ է, որ Հայրապետեանցը կոմեցել է Նալբանդեանցի մահը ներկայացնել իբրեւ ճշմարտութեան մարտիրոսի վախճար և որ նա նահատակուել է ազգասիրական սխրագործութեան հանդիսի մէջ։ Հարուածը այնքան մեծ է լինում քաղաքագլխի համան, որ նա տուժում է բարոյապէս, կորցնելով իւր առողջութիւնը, և նիւթականապէս, զրկուելով իւր հարստութեան մի խոշոր մասից։ Եւ այսպէս Նալբանդեանցի յարաբերութիւնը Հայրապետեանցի հետ անգիտակցաբար դառնում է վերջինիս համար չարիք և պատճառ։ Հայրապետեան տան կործանուելուն։ Եւ առ հասարակ Նալբանդեանցի սխալ ուղղութիւնից ու գործունէութիւնից, Պատկանեանցի կարծիքով, առաջ է գալիս բազմաթիւ վնասներ Նախիջևանի հասարակութեան համար. եթէ չլինէր Նալբանդեանցը, չէր բորբոքուիլ Մաթթէոս առաջնորդի և հասարակութեան մէջ եկեղեցական գումարների կռիւը, Յ հարիւր

յիսուն հազարի մեծ ճոխութիւնը չէր ընկնիլ Ալվազեանի ձեռքը, Խալիբեանի ճակատին չէր դրոշմուիլ իբրեւ աղուէսադրոշմ եկեղեցական փողերի դուլի անուն և ոչ էլ այն դումարներով կառուցուած մեծ զարօցը կշինուէր Թէոդոսիայում և կկրէր «Խալիբեան» յորչորչումը:

Նալբանդեանցի հիւանդութիւնը, Պատկանեանցի ասելով, ժառանգական «ծիւրախտ» էր և «ափրոզիտեան խօթութիւն» որ նա ստացել էր 1851 թուին և չէր կարողացել բոլորովին բժշկուել և այդ գէշ հիւանդութեան թոյնը մաքրել իւր երակներից «փայլածուի» օգնութեամբ: Եւ զարգացել էր նորա մէջ այդ հիւանդութիւնը Պետրոս-Պողոս բերդի խոնաւ խուցերում և բանտի խստակեաց ռէժիմի ազդեցութեան ներքոյ: Ծիշտ է, բազմամեայ բանտարգելութիւնից յետոյ, նա ազատուել էր ու տեղափոխուել Վօլգայի ափը, բայց արդէն ուշ էր... Եւ կրտսրուում է նորա կեանքի թելը գեռ երիտասարդ հասակում և իջնում է նա գերեզման, առանց իրագործելու այն բոլորը, ինչ որ նա կարող էր անել, ինչ որ ուզում էր....

Ո՞րքան ճշմարիտ է Պատկանեանցի այդ կարծիքը Նալբանդեանցի մասին: Որ Պատկանեանցը սիրում էր Նալբանդեանցին և ճանաչում էր նորա արժանաւորութիւնը, այդ մասին խօսք չի կարող լինել. նա նորան համարում էր արդիւնաւոր զուակ աղգի և անձնաւոր նորա շահերին. նա նորա զրիչը համարում էր թէև յանգուզն, բայց հանճարեղ. նա միայն չէր հասկանում նորա բռնած ուղղութիւնը և իբրեւ հին մարդ չէր էլ կարող հասկանալ, ուստի և կոչում էր նորա զործունէութիւնը ոչ ազգասիրական և ոչ հայրենասիրական: Տէրութեան օրէնքները, սարք ու կարգը և ամբողջ կազմակերպութիւնը նորա համար սուրբ էին և անբիծ, ուստի և ամեն մէկը, որ հակառակ էր դնում այդ բոլորին, նորա աչքին շեղուած էր ուղիղ ճանապարհից և նիհիլիստ էր կամ չնչահաւատ: Գերեցներ, Բակունիներ և զոցա բոլոր համախոհները, որոնք անբաւական լինելով տիրող սարք ու կարգից, հեռացել էին իւրեանց երկրից և արտասահմանում զործում էին իւրեանց հայրենիքի շահերի համար, միանգամայն օտար էին ու անձանօթ նորան և

մինչև իսկ վնասակար, ուստի և Նալբանդեանցի գործունէութիւնը, որ բոլորովին համապատասխան էր նոցա ուղղութեան, նորան միանգամայն ապարդիւն ու անհասկանալի էր թուում. նորա կարծիքով հայ ազգասէրը և հայրենասէրը պէտք է անպատճառ կամ քահանայ լինէր, կամ վարդապետ, կամ վարժապետ և կամ ազգասիրական բաներ գրող. նա չէր հասկանում, որ հայութեան մի ստուար մասի բաղդը անխղելիօրէն կապուած է բովանդակ պետութեան, ընդհանուր հայրենիքի շահերի հետ. որքան որ ընդհանուրը լաւ է, օրինական է, բարեկարգ է, պնջան և նորա մասերը բաղդաւոր են և ընդհակառակը, ուրեմն և Գերցներ, Բակունիներ և միւսները, որոնց թուին պատկանում էր և Նալբանդեանցը, որոնք աշխատում էին ընդհանուր հայրենիքի այդ բարելաւութեան համար, նոյնքան ազգասէր և հայրենասէր էին, որքան ինքը և իւր նմանները, նամանաւանդ որ Նալբանդեանցը մասնաւորապէս և յատկապէս գործում էր և հայերի համար, քարոզելով, գրելով, ազգային գործերին եւ ռանդուն կերպով մասնակցելով, և այլն և այլն: (16):

Պատկանեանցը չարաչար սխալուում է, երբ կռում է Նալբանդեանցին «շողոքորթ» և շահասիրական նպատակով հայրապետեանցին մօտեցող: Նալբանդեանցը ոչ շողոքորթ էր և ոչ շահասէր. երկու կուսակցութիւն Նախիջևանում մաքառում էին միմեանց հետ, և Նալբանդեանցը իբրեւ այդ կուսակցութիւններից մէկին պատկանող և զլխաւոր աշխատող բնականապէս ճգնում էր իւր կուսակցութիւնը հղօրացնել և այդ նպատակով աշխատում էր մօտենալ հարուստ և Նախիջևանում զիրք ունեցող հայրապետեանցին, որ կարողանայ նորան իւր կուսակցութեան գլուխ կանդնեցնել իբրեւ Խալիբեանցին դերակշռող ոյժ և արժանաւոր հակառակորդ: Այդտեղ անձնական շահասիրութեան բան չկար, այդտեղ պանրի ակնկալութիւն, որի համար արժենար աղուէսին ագռաւի «դայլայլիկը» ներքողել, տեղի չունէր, այդտեղ կուսակցական տակտիկայի գործ էր միայն, ուրիշ ոչինչ: Իսկ ինչ որ վերաբերում է ամսական հարիւր բոլբոլի ստանալու խնդրին, մենք պէտք է ասենք, որ, նախ և առաջ, մեզ յայտնի չէ, որ Նալբանդեանցը երկար ժամանակ

և կանոնաւորապէս չայրապետեանից ամսական ստացած լինի, երկրորդ, որ եթէ ստացած էլ լինի, այդ մի ամօթ բան չէ: Նալբանդեանցը պաշտօն չունէր, նա կարողութեան տէր չէր. նա գրում էր, նա քարոզում էր, կարելի է ասել, որ ամբողջ կուսակցութեան գործը նա մենակ իւր ուսերի վերայ էր տանում. ի՞նչ զարմանք, ուրեմն, որ այդ կուսակցութիւնը իւր հարուստ պարագլխի միջոցով նիւթականապէս երբեմն օգնէր նորան, տալով ապրելու միջոց, ճանապարհածախսի փող, և այլն:

Միակ կէտը, որի վերաբերմամբ, գուցէ, մեզ պէտք լինի մասամբ համաձայնել Պատկանեանցի հետ, այդ այն է, որ Նալբանդեանցը իւր չափազանց կտրուկութեամբ և կուսակցական կրքոտ գործունէութեամբ ոչ այնքան օգուտ բերեց Նախիջևանի հասարակութեան, որքան վնաս: Այն ժամանակները ոչ թէ միայն Նախիջևանի հասարակութիւնը, այլ և ամբողջ հայութիւնը դեռ այնքան հասունացած չէր, որ կարելի լինէր ամեն բան տեղնու տեղը, կտրուկութեամբ և արգարութեան և օրէնքի հիման վերայ որոշել, պէտք էր մի փոքր զգուշ լինել: մի փոքր ներողամիտ լինել, որ հասարակաց շահերը իսպառ չվնասուէին, որ յօնքը շիտկելու տեղ աչքն էլ չհանուէր: Չպէտք էր մոռանալ, որ դէմ յանդիման կտնդնած մարդիկը ուրիշ տեսակ էին մեծացել, ուրիշ տեսակ գաղափարներ ու հասկացողութիւններ էին ժառանգել իրենց հայրերից, անցեալ սերնդից, ուստի և չպէտք է կարողանային, չպէտք է ուղենային համակերպել եղած պահանջներին, այլ, ընդհակառակը, տեսնելով դիմադրութիւն ու արգելք իւրեանց առաջ, աւելի ևս պիտի զրգուէին և դիմադրութեան համար գործ դնէին անխտիր թէ թողատրելի և թէ ոչ թողատրելի միջոցներ, որով և չարաչար վնասէին հասարակաց շահերին, ինչպէս որ եղաւ էլ: Մատթէոս Վեհապետեանի դիմադրութիւնը ներսէս կաթողիկոսին, որի մէջ անմասն չէր և Նալբանդեանցը, ի՞նչ հետեանք ունեցաւ, բացի նորանից, որ կաթողիկոսական իշխանութիւնը նուաստացրեց տէրութեան առաջ, եկեղեցական գումարների հաշուետուութեան խնդիրը, որ յարուցել էր Նալբանդեանցը, ի՞նչ օգուտ ունեցաւ, բացի նորանից, որ Խալիբից ոչինչ չստացուեց, ստա-

ցուածն էլ ապարդիւն կերպով ծախսուեց Թէոդոսիայի դպրոցի վերայ. Խալիբեան դպրոցի վերայ անդադար յարձակուելը և նորա անուընդ հասարակութեան առաջ ձգելը, ինչպէս որ անուընդ էր Նալբանդեանցը, ի՞նչ արդիւնք ունեցաւ, բացի նորանից, որ Նախիջևանում դպրոց չչինուեց, Թէոդոսիայինն էլ հետզհետէ ընկաւ և խափանուեց: Կարծում ենք, որ ներուշամիտ ու զգոյշ վարժուեցող կստիպէր Խալիբին և դպրոցը Նախիջևանում շինելու, և իւր ունեցածից էլ մի բան ազգին կտակելու. կարծում ենք նոյնպէս, որ Ալփադեանը առանց Խալիբի չէր ունենալ այն գորութիւնը, որ նա ունեցաւ և գործ դրեց թէ իւր—Նալբանդեանցի, և թէ Մատթէոս կաթողիկոսի դէմ. կարծում ենք, վերջապէս, որ չարուստ չայրապետեանցը կուսակցական պայքարների պատճառով փոխանակ իւր առևտրական մեծ գործը քայքայելու, Նալբանդեանցի ազգեցութեամբ ընդունակ կլինէր հասարակութեան շահը հասկանալու և իւր մեծ կարողութիւնից մի խոշոր մաս ազգին հանելու, չէնք տեսում արդէն այն, որ Նախիջևանի հասարակութեան մէջ Խալիբեան և չայրապետեան կռիւների պատճառով չէին բոյն դնիլ այն երկարատե կազմ ու կռիւր, որ վերջնականապէս շրտեց Ռուսաստանի այդ հայ ամենանշանաւոր գաղութի կենսական ոյժերը:

Պատկանեանցը Պետերբուրգում հանգստանում է իւր երկարատե տառապանքներից. նա այդտեղ գտնուում է իւր ընտանիքի, իւր մերձաւորների մէջ և ապրում է հայ հասարակութեան շրջանում, հայ եկեղեցու մօտ, մայրաքաղաքի ընծեռած կեանքի յարմարութեան ու վայելչութեան մէջ: Ծիշաւ է, առաջին նուազ նա նեղուում է նիւթական միջոցների սղութիւնից, բայց շուտով այդ կողմից ևս բարւոքուում է նորա վիճակը. նա 70 թուին երջանկայիշատակ Գէորգ կաթողիկոսի հրամանով և թողութեամբ կարգուում է հայ մանուկների կրօնուսույց զինուորական դպրոցներում: Մնում էր միայն մի ցաւ, որ բարոյապէս տանջում ու թունաւորում էր նորա կեանքը—այդ նորա քահանայութիւնից զրկուած լինելն էր, որի հետ այդքան տարի անցնելուց յետոյ էլ, զեռ նա չէր ուզում:

կամ չէր կարողանում հաշտուել. նա երբեք յոյսը չէր կորցնում, զի՞սից չէր հանում այն միտքը, որ ինքը չպէտք է մեռնի առանց իւր քահանայութիւնը վերստանալու, և միշտ մտածում էր, միշտ յարմար ըոպէ էր որոնում յարուցանելու այդ խնդիրը: Եւ, վերջապէս, այդ յարմար ըոպէն ներկայանում է. ոկսուում ու վերջանում է Ռուս-Տաճկական պատերազմը, խմբուում է Բերլինի վեհաժողովը, և Խորէն Նարբէյը ուղարկուում է Պետերբուրգ Հայոց խնդրի համար աշխատելու. և նրա յաջող լուծման համար հող պատրաստելու, ինչպէս որ նոյն նպատակով ուղարկուած էր Եւրոպա Խորիմեան Հայրիկը: Պատկանեանքը օգտուում է այդ հանգամանքից և խնդրում է Ներսէս պատրիարքից (17), որ իւր գործը յանձնէ նա Խորենին, Ներսէս պատրիարքից, որ դորանից մի քանի ժամանակ առաջ արդէն իւր սրտին մօտ ընդունելով նորա դատը, գրել էր այդ մասին վեհափառ Գէորգ կաթողիկոսին և միջնորդութիւն էր յարուցել թաղաւոր-կայսեր առաջ: Պատրիարքի, վեհափառ կաթողիկոսի և Խորէնի միահամուռ աշխատանքը, վերջապէս, պսակուում է յաջողութեամբ, և կայսրը 1878 թուի հոկտեմբերի սկզբին ներման վճիռ է արձակում, որի հիման վերայ և Պատկանեանքը վերստանում է իւր քահանայութիւնը: (18)

Պատկանեանքը Պետերբուրգում կենալու իւր 26 տարուայ երկար ժամանակամիջոցի ընթացքում շատ ազատ ժամանակ է ունենում. ղինուորական դպրոցներում նորա ունեցած դասերը նորանից շատ ժամանակ չէին խլում. նա քահանայութիւն չէր անում, հասարակաց գործունէութիւն էլ նորա համար չկար այնտեղ: Մնում էր միայն ընթերցանութիւնը և գրական պարսպանքը, որոնց նա անձնատուր է լինում և որոնց համար շատ մեծ յարմարութիւն կար մայրաքաղաքում: Դորանով ահա պէտք է մեկնել այն հանգամանքը, որ նորա երկերից շատերը գրուած են հէնց այդ ժամանակամիջոցում— 1863— 1879: Նորան այդտեղ և այդ միջոցում շրջապատում են ու սիրտ են տալիս նորա որդի Ռաֆայէլն և եղբորորդի Գերովբէն, որոնցից առաջինը արդէն սկսել էր մեծ բանաստեղծի անուն վաստակել իւր հայրենակիցների մէջ, իսկ երկրորդը գիտնականի

ասպարէզ էր ընտրել իւր համար և արդէն առաջանալու շաւղի վերայ էր. նամանաւանդ զրական եռանդուն գործունէութիւն սկսել էր ցոյց տալ Ռափայէլը, որ չշատանալով իւր բանաստեղծութեան տեսարանների հրատարակութեան գործով, այդ միջոցներում հաստատուել էր Պետերբուրգում, ծանօթացել էր Ամդեցու ընտանիքի հետ, տպարան էր բաց արել և ձեռնարկել «Հիւսիս» թերթի հրատարակութեան գործին և դորանով զրական գործունէութեան մի լայն ասպարէզ բաց արել այդպիսի բաների սիրահար հօր առաջ:

Պատկանեանցը, ինչպէս մենք տեսանք, դեռ չաշտարխանում չայոց տառեր էր ձեռք բերել, միտքը դրած լինելով մի տպարան բանալու այնտեղ, բայց չէր յաջողել. նոյն տառերը նա իւր հետ տարել էր Նոր-Նախիջևան և բուլականին փող էր ծախսել տառերի պահասը լրացնելու և տպարանն այնտեղ բանալու, բայց այդտեղ ևս զանազան արգելքների էր հանդիպել և չէր կարողացել իրագործել իւր նպատակը: Թիֆլիսում միայն նորան յաջողել էր իրագործել իւր ջերմ ցանկութիւնը և ձեռնարկել «Արարատի» հրատարակութեան գործին, միւս կողմից էլ երջանկալիչատակ Ներսէս կաթողիկոսն էր ցանկացել, որ թողնէ իւր տպարանը և բոլորամասն նուիրուի Ներսիսեան Հոգեւոր դպրոցին, որին տեսուչ էր կարգուել նա: Այժմ, երբ նա Պետերբուրգում էր և բոլորովին ազատ և նորա որդին Ռափայէլն էլ տպարան էր բաց արել և ձեռնարկել «Հիւսիսի» հրատարակութեան, լայն բանալով թէ տպարանի և թէ «շաբաթաթերթ բազմավէպ լրագրի» էջերը նորա առաջ, նա բնականապէս սկսում է ամենաեռանդուն գործակցութիւն ցոյց տալ իւր որդու ձեռնարկած հրատարակութեան գործում: Նա 1863 թուին, երբ սկսում է հրատարակուել «Հիւսիսը», գրում է իւր «Վարդանանց պատերազմի վերայ մտածողութիւն», «Դաստիարակութիւն մարդկանց», «Փայտէ Հիւսիս վերայ նստած յառաջադիմութիւն», «Միաբան են չայք», «Ազգային յառաջադիմութիւն», «Յարութիւն վարդապետ երբեմն Տէր-Յարութիւն աւագ քահանայ Ալամգարեանց», «Վարդան Մամիկոնեան», և «Նիկող կամ Լեհաստանի Հայերի թշուառութիւնները» յօ-

դուաճները, որոնցից մի քանիսը, ինչպէս «Այամդարեանի» մի մասը, «Վարդանը» և «Լեհաստանի հայերի թշուառութիւնները» նա ժամանում է հրատարակել շաբաթաթերթի սուղ էջերում նորա կարճատե կեանքում:

Եթէ «Հիւսիսը» կարճատե կեանք է ունենում, այդ յամենայն դէպս չպէտք է վերադրել նիւթի պակասութեան, որ շատ առատութեամբ մատակարարում էր Տէր-Գաբրիէլը, այլ իւր Ռափայէի իբրեւ խմբագրի հրապարակախօսի քանքար չունենալու յատկութեան, որ չի կարողանում մի որոշ ուղղութիւն տալ իւր թերթին, չի կարողանում կեանք ու կենդանութիւն ներշնչել հրատարակուող նիւթերին, հրատապ խնդիրներ յարուցանել, նոր խօսք ասել ընթերցող հասարակութեան և շարժել նոցա հարցասիրութիւնը: «Արարատի» հրատարակութիւնից անցել էր 13 տարի և ժամանակները շատ փոխուել էին. հասարակութիւնն էլ համեմատաբար հասունացել, ընթերցողների ճաշակը զարգացել և պահանջները աւելացել: Այն ժամանակները մրցողութիւն չկար և ինչ նիւթ որ տրուում էր, սիրով ընդունուում և կարգացուում էր սակաւաթիւ ընթերցողներից, նամանաւանդ որ Արարատը երկրորդ լրագիրը Ռուսահայերի մէջ, շատ առաջ էր զնացել իւր նախորդ «Կովկասից» թէ իւր հրատարակութեան ծնով, թէ նիւթերի ընտրութեամբ ու բովանդակութեամբ և թէ նամանաւանդ լեզուով «Արարատը» առաջին հրատարակութիւնն է եղել մեր մէջ, որ թողնելով պաշտօնական դրաբառ լեզուն, սկսել է ժողովրդի հետ հասկանալի աշխարհաբառով խօսել, որով և հետաքրքրել է հասարակութիւնը իւր նորութեամբ և ընթերցողների սիրտը իւր հետ կապել: Ժիշդ է, Արարատում էլ դեռ տպագրուում էին դրաբառ յօդուածներ, բայց այդ շատ չէր խանգարում ներդաշնակութիւնը, այդ մի ժառանգութիւն էր, որ քնացել էր անցեալից, հնութիւնից, որից չէր կարելի իսկոյն և միանգամայն վերջնականապէս բաժանուել և խզել ժառանգութեան կապերը. այդտեղ զխաւօրն այն էր, որ աշխարհաբառին լայն ասպարէզ էր տրուած, ճանաչուած էր նորա իրաւունքը: Հիւսիսի ժամանակները հրատարակուում էին «Հիւսիսափայլը», «Մեղու հայաս-

անին», «Կռունկը» և «Մասեաց Աղաւնին», որոնց հետ պէտք էր մրցել և աշխատել մի բանով առաջ անցնել, մի բանով գրաւիչ երեւալ հասարակութեան աչքին, որ նա ոչ միայն չի կարողանում անել, այլ և շատ բանով յետ է մնում նոցանից: Եւ այդ բանում, կրկնում ենք, Տէր-Գարրիէլը մեղք չունէր, նա իւրը իւր ժամանակին արել էր, նա այժմ էլ գրում էր շատ, անվերջ և թէեւ միակողմանի, բայց առատ նիւթ էր տալիս և իւր ժամանակակից հրատարակութիւնների մէջ, բացի, գուցէ, Հիւսիսափայլից, կարող էր իրան յատկացրած բաժնում պատուաւոր տեղ բռնել: Թարմ ոյժը, ցանկալի ուղղութիւն տուողը պիտի լինէր Ռաֆայէլը, իսկ նորան այդ գործում օգնողը—Քերովբէ Պատկանեանցը և միւսները:

Պատկանեանցը 1863—64 թուերին, երբ ընկնում է Պետերբուրգ և ստիպուած է լինում ընդմիշտ բնակութիւն հաստատելու այնտեղ, լինում է 60—61 տարեկան մարդ, բայց և այնպէս նորա եռանդը դեռ պակասած չի լինում. նա անդադար գրում, թարգմանում, կարդում և ուսումնասիրում է. մինչև իսկ 70 թուականներին, երբ նա ուսուցիչ է նշանակուում գինուորական դպրոցներում և լինում է 70—75 տարեկան ծերունի, նա դեռ այնքան ոյժ է ունենում, որ եռանդով յաճախում է դպրոցները և սիրով կատարում իւր ուսուցչական պարտականութիւնները: Միայն երկարատեւ և չափազանց մեծ աշխատանքից հետզհետէ սկսում են նորա աչքերը փնացուել, այնպէս որ 1885 թուին նա իսպառ կորցնում է իւր աչքի լոյսը—սեւ ջուր է իջնում, և նա այդ դրութեան մէջ մնում է մինչև 1888 թիւը, երբ այն ժամանակուայ նշանաւոր ակնաբոյժ Դոմբէրգը վիրահատութիւն է կատարում և վերադարձնում է նորա աչքի լոյսը: Դժբաղդ ծերունու համար մեծ մխիթարութիւն է լինում, երբ այնքան տարուայ խաւարից յետոյ նա վերստին լոյս աշխարհ է տեսնում, միջոց ստանում նորից իւր աչքով կարգալու և տեսնելու իւր սիրելիներին: Բայց այդ մխիթարութիւնը երկարատեւ չի լինում, մի տարուց—1889 թուի Ապրիլի 13-ին, վախճանում է նա 87 տարեկան հասակում և նոյն ամսի 16-ին թաղուում է Սմօլենսկի գերեզմանատանը, և

կեղեցու մուտքի ծախ կողմը: Յուզարկաւորութիւնը կատարւում է շքեղ հանդիսով, ներկայ է լինում մայրաքաղաքի համարեա ամբողջ հայ գաղութը և ուսանողներից մէկը զամբանական է խօսում նորա վերայ և զովում նորա գործունէութիւնը ու գրական հմտութիւնը և շեշտում նորա նշանակութեան վերայ հայ գրականութեան մէջ իբրև Ռուսահայոց աշխարհաբարութեան իմաստագրի:

Պատկանեանցն իւր երկարատև գործունէութեան ընթացքում խիստ շատ է գրել, սկսելով իւր կեանքի ամենավաղ հասակից ու վերջացնելով խորին ծերութեան օրերում. նորա առաջին գրուածքը համարուում է «Պատմութիւն Ազգեսանդրի Մակեդոնացոյ», որ նա թարգմանել է ռուսերէնից դեռ իւր պատանեկութեան հասակում, երբ նոր միայն կարգուել էր նա ուսուցիչ Հաշտարխանի նորաբաց հոգևոր դպրոցում, և տպագրել է նորան 1823 թուին: Սակայն նորա այդ բազմաթիւ գրուածքներից համեմատաբար շատ քիչ մասն է հրատարակուել և աւելի քիչ մասը առանձին գրքով լոյս աշխարհ տեսել: Դորան, գուցէ, պէտք է վերադրել այն հանգամանքը, որ մինչև ցայսօր դեռ, չնայելով, որ հեղինակի մահից արդէն իսկ անցել է 17 տարի, մի քիչ թէ շատ լիակատար աչքի ընկնող ուսումնասիրութիւն չի գուրս եկել մեր գրականութեան մէջ նորա գրուածքների վերաբերմամբ. թէև այն էլ պէտք է ստել, որ նորա մինչև իսկ տպագրուած երկերն այնքան արդեն հնացել են և կորցրել իւրեանց արժէքը ու այժմէութիւնը, որ միայն մասնագէտներին քիչ, թէ շատ կարող են հետաքրքիր լինել, իբրև նիւթեր, իբրև մեր նոր գրականութեան մօտ անցեալի իշխատակարաններ:

Թէև հանդուցեալը գրականութեան համարեա թէ բոլոր հիւզերում էլ փորձել է իւր ոյժը, բայց նորա գրուածքների առնեմամբ մասն, նայելով նոցա բովանդակութեան ու ձևին, կարելի է բաժանել երեք մասի՝ արժակ գրուածքներ կրօնական բովանդակութեամբ, արժակ գրուածքներ պատմական բովանդակութեամբ և բանաստեղծութիւններ պատմական և կրօնական բովանդակութեամբ: Թողնելով մի կողմ բանաստեղծութիւնները,

որոնց մասին մենք արդէն իսկ մի փոքր առաջ համառօտակի խօսեցինք ու որոշեցինք նոցա արժէքը, և կրօնական գրուածները, որոնց ամենամեծ մասը տակաւին ձեռագիր է և այդ պատճառով իբրև մեծ մասով մեզ անժանօթ նիւթ չի կարող քննութեան առարկայ լինել, մենք այստեղ կաշխատենք համառօտաբար խօսել միայն նորա պատմական գրուածների մասին և որոշել նոցա արժէքը գրական և պատմական նիւթի մշակման տեսակէտից, պատմական գրուածների, որոնք, մեր կարծիքով, ամենաազդիւնեղուն են նորա բոլոր գրուածների մէջ: Նորա պատմական գրուածներից մեզ ծանօթ են՝ «Հայոց ազգի պատմութիւնը», «Նիկոլ», «Հարիւրամեակ Ն. Նախիջևան հայաբնակ քաղաքի», «Ներսէս Ե. կաթողիկոս և հայրապետ ամենայն Հայոց» և «Յարութիւն վարդապետ Ալամդարեանց», որոնցից առաջին երկուսը տպագրուած են և լոյս ընծայուած առանձին գրքերով, իսկ վերջինները ղեռ ձեռագիր են: (19):

«Հայոց ազգի պատմութիւնը» ոչնչով չի տարբերուում մեր միւս բազմաթիւ Հայոց պատմութիւններից. դա, ինչպէս և ձիւները, համառօտութիւն է Չամչեան հատորների: Եթէ մի նորութիւն կայ դորա մէջ, այդ էլ, գուցէ, այն է, որ հեղինակը աշխատում է ցրել այն կարծիքը որ հայերը իբրև թէ անմիաբան են և որ Հայոց ազգի բոլոր զժառղղութիւնը հէնց առաջ է եկել և առաջ է դալիս այն հանգամանքից, որ նոքա միաբան չեն գործել և գործում: Բացի սրանից, նա իւր պատմութեան մէջ յայտնում է և մի ուրիշ, մեր կարծիքով, շատ տարօրինակ կարծիք, որ իբրև թէ մեր ազգի քաղաքական տապարիւղում ունեցած անյաջողութեան պատճառներից մէկն էլ պէտք է համարել այն, որ նորա գործի գլուխ կանգնած զըլխաւոր նախարարական տները զուտ հայ ծագումն չեն ունեցել, օտար են եղել: «Նիկոլը» Առաքել Վաղարշապատցու աշխարհաբառի վերածած և ընդարձակած պատմութիւնն է: Հարիւրամեակը հաւաքածու է ամեն տեսակ նիւթերի. այդտեղ պատմական նիւթերի հետ խառնուած են շատ մեծ ծաւալով կենսագրականներ, կողմնակի դատողութիւններ, կրօնական մեկնութիւններ, առասպելներ և հեքեաթած և պատմութիւն:

ներ և այլն և այլն: «Ներսէս կաթողիկոսը» և «Յարութիւն վարդապետը», վերջապէս, զուտ պատմութիւն չեն, այլ կենսագրականներ իւրեանց պատմական պարագաներով: Ընդհանրապէս նորա բոլոր պատմական համարուած գրուածներում չի երևում պատմական նիւթի կանոնաւոր մշակութիւն, պատմական մի որոշեալ հայեացք համաձայն այդ գիտութեան նորա ժամանակները եղած զարգացման աստիճանին, պատմական աղբիւրների լուրջ ընտրութիւն և քննադատութիւն, համեմատական եղանակ, աղբային անաչառութիւն և խոստովումն առասպելաբանութիւններից—յատկութիւններ, որոնք ամեն մի իսկական պատմաբանի առաջնորդող ֆակտորները պիտի լինեն, ամեն մի լուրջ պատմութեան ուղն ու ծուծը, հիմնաքարը պիտի կազմեն: Եւ առհասարակ հանդուցեալի բոլոր գրուածների ընդհանուր յատկութիւններն են՝ աւելորդաբանութիւնը, մտքի քաջութիւնը, խօսքի շատութիւնը, անվերջ անծայր հեքեաթաբանութիւնը, սիստեմի պակասութիւնը, կողմնակի դատողութիւնները, Ս. Գրքից բերած օրինակները և նոցա հետ առած համեմատութիւնները: Ոչ ոք, մեր կարծիքով, օրինակի համար, չի կարող առանց ծանծրանալու կարգաւ սկզբից մինչև վերջը «Տէր-Կիրակոսի պատմութիւնը», որ զետեղուած է հարիւրամեակի մէջ, և կամ «Հայոց աղգի ուսումնատուութիւնը ուսումնարանը և ուսուցիչը», որ հրատարակուած է առանձին զրքովով 1865 թուին, այնքան յոգնեցուցիչ ու ծանծրացուցիչ են զոքա: Պատկանեանցի գրուածների զժուարութեամբ կարգացուելուն և շատ շուտով հնանալուն, բացի վերոյիշեալ բոլոր թերութիւններից, նպաստում է և նորա զործածած լեզուն, որ մի խառնակ ու անկողմ բան է. զրաբառ է—զրաբառ չէ, աշխարհաբառ է—աշխարհաբառ էլ չէ, այլ աշխարհաբառախառն զրաբառ, կամ ընդհակառակը՝ զրաբառախառն աշխարհաբառ:

ՔՕՍԱ-ԴԱՂ ԼԵՐԱՆ ՎԿԱՆ

(Թրքահայ գաղթականների կեանքից)

III

Կէսօրուայ տօթը վաղուց էր մեղմացել: Երեկոյ էր. արեւ արագ-արագ մօտենում էր հորիզօնին, իր ետեից թողնելով անթիւ ու անհամար ստուերներ: Իւրաքանչիւր առարկայ աշխատում էր՝ իր ստուերով որքան կարելի է աւելի ևս ձգուել երկրի վրայ: Բացառութիւն չէին կազմում և Տըրխ գիւղի գերեզմանոցի հազարաւոր դամբարանաքարերը, որոնք իրանց սև-սև ստուերներով դաժան կերպարանք էին տալիս գերեզմանոցին և աւելի ևս սոսկում, ահ ու դող տարածում մարդու վրայ: Զարմանալի է հայի ազգայնական յատկութիւնը՝ ինչպէս և լինի ծածկել իր սիրելիների շիրիմները յաճախ վիթխարի ժայռերով, եթէ նիւթականը չէ ներում նրան սեպաձև քարեր ձեռք բերելու: Գերեզմանոցում միայն մի շիրիմ էր երևում առանց տապանաքարի: Շիրիմը նոր էր, որը պարզ աչքի էր ընկնում նրա թարմ հողից: Դա, ընթերցող, Սօնայի շիրիմն էր: Այդ թշուար զոհը մի քանի օր մաշուելով տանջանքների բովում, վերջապէս փոխուեց յաւիտենականութեան գիրկը և իր թարմ հողաթմբով հեռուից աչքի էր ընկնում այդ գերեզմանոցում:

Գերեզմաններ... հիմա չէ արտասովոր ահաբեկող երկիւղ զգում իր երակներում, ակամայ զանազան ցնցումների ենթակայ լինում, երբ տեսնում է ձեզ և շրջում է ձեր մէջը: Ո՞ր իրան անմահ կարծեցող անհատ, ձեր շուրջը գտնուելով, չի հնազանդում բնութեան ընդհանուր օրէնքին և ակամայ աչքերը երկինք դարձնում, իր ոչնչութիւնն զգում և ինքնիրան մրմնջում՝ «ունայնութիւն ունայնութեանց, ամենայն ինչ ընդունայն է» և իրան էլ մահկանացուների թուումն հաշուում: Ո՛հ, դառն են ձեր թողած տպաւորութիւնները, ծանր է և մաշող ձեր ներկայութիւնը: Քանի-քանի

սիրեցեալ սրտեր էք դուք բաժանել իրարից՝ բուն փափազը անկատար թողնելով նրանց սրտերում: Քանի-քանի վեհ գաղափարներով տոգորուած սրտեր էք կուլ տուել, որոնք, զուցէ, և ընդ միշտ կորել են մարդկութեան համար: Որչափ անյաղթ հրսկաններ են լուռ ու մունջ ձեր գիրկը մտել և կորել յաւիտենական ովկիանոսում:

Անողորք և կսկծեծուցիչ են եղել ձեր տուած հարուածներ... Դուք քամել էք և քամում էք վշտի ախտասուքներ սկսած զառամիալ ծերերի աչքերից մինչև վերջին թոթովախօս մանուկի աչքերը: Սակայն և ռքքան սթափուեցուցիչ դեր էք խաղացել և պիտի խաղաք անհատի և մարդկութեան վրայ: Գերեզմաններ... որքան շատ բան էք դուք մեզ ասում: Սրտերի, զգացմունքի ծովեր կը կազմէիք դուք, եթէ գէթ մի օր ձեր տարած այդ զոհերը կարողանային դուրս պրծնել ձեր սպանիչ կապանքներից: Դառն է, դառը ձեր լուռութիւնը... Դուք ձեր լուռութեամբ հազարաւոր պերճախօս լեզուներից լաւ ապացոյց էք տալիս ձեր ինչ լինելու, ձեր էութեան մասին...

Օրուայ այդ պահուն գերեզմանոցում միակ մի մարդ էր երևում: Տեսնողը անշուշտ կը կարծէր, որ դա մահուան ճիրաններից փախուստ տուած բաղդաւոր մահկանացու է: Նրա գէմբը վշտից, լաց ու կսկծից, սուգ ու շիւանից թորշոմած մի բան էր ներկայացնում իր աննկարագրելի այլայլութեամբ: Նա յուսահատուած էր և լուռ: Նրա ներքին աշխարհը այդ ժամին հազարաւոր փոթորիկներից հրերուած ծովի նման ծփում էր յուզմունքի ալիքների տարափի տակ և ոչ մի տեղ հանգիստ չէր կարողանում առնել: Ստէպ ստէպ նրա կրծքի խորքերից լսւում էին խուլ հառաչանքների ձայներ, որը ասես ընդհատուած էր շնչարգելութեամբ: Նա այնքան էր ընկղմուած վշտի ինքնամոռացութեան մէջ, որ ուշադրութիւն անգամ չէր դարձնում իրան շրջապատող հազարաւոր շիրիմների վրայ. ըստ հրեութիւն նա վաղուց, շատ վաղուց ծանօթ էր լուռութեան այդ աշխարհի հետ և առաջին անգամ չէր, որ շրջում էր գերեզմանոցում:

Նա կամաց-կամաց մօտեցաւ Սօնայի գերեզմանին և յանկարծ միանգամից իր հանդ ձայնով թնդացրեց տիրող լուռութիւնը, ասես մի ահագին գետ արգելուած լինէր երկրի խորքերում, որը ներքին մի ոյժի բռնկումով քանդուած է իր արգելքները և ձայների, խշռոցների, գոռոցների ահագին տարափով դուրս է վազում, այդպէս և նրա շիւանի հետ արտասուքը հեղեղի նման սկսեց վազել նրա աչքերից և նա ծունկ չոգեց այդ գերեզմանի առաջ ու անհամար համբոյրներով ծածկեց անբաղդ զո-

հի շիրիմը: Երկար նա գլուխը խոնարհած հողակոյտի վրայ մնաց ընկած. բայց յանկարծ մի ինչ որ բան յիշեց և իսկոյն ուղղուեց, ձեռքը գրպանը տարաւ և այդտեղից դուրս բերեց այն թղթի ծրարը, որը Սօնան հոգևարքի բոսկեններին կտակել էր Սալլիին՝ յանձնել Վահէին: Դա ոչ այլ ինչ էր, եթէ ոչ մի նամակ: Նա բաց արեց և կարդաց մի քանի անգամ:

Ընդ մ'իշտ իմ Վահէ՛.

Այս նամակս ես միշտ գրպանումս եմ պահելիս եղել իմ նըշանագրութեան. հէնց առաջին օրից: Հաւատացած եմ մեռնում, որ ինձանից յետոյ քո օրը՝ օր չի լինի, և քո կեանքը՝ կեանք չի լինի: Բայց խնդրում եմ ոյժ ունենաս գէթ՝ եթէ ոչ սէր, գոնէ մի մխիթարութիւն ձեռք բերես քեզ համար, որով և մասամբ կը մեղմես դառն օրերիդ տանջանքները: Մի յուսահատուիր: մի վշտանար իմ անսահման անկեղծ սէրը և ես կը լինենք քեզ միշտ պահապան:

Քո Սօնա.

«Գէթ սէր, մի մխիթարութիւն ձեռք բերես...» մըմնջաց այդ հոգեպէս դժբաղդ հիւանդը, որը, չեմ կասկածում, ընթերցող, հասկացաք, որ Վահէն էր:

Այդ թշուառ երիտասարդը չը մեռաւ. բժիշկը կարողացաւ զանազան դժուարութիւնների, բարդութիւնների առաջն առնել, որի շնորհիւ, համարեա, նոր կեանք ստացաւ նա.—Քեզանից յետոյ, իմ վաղամեռիկ Սօնա ջան, ինձ ի՞նչ մխիթարութիւն կայ. ի՞նչ սէր կարող է բուն զնիւ մի վերաւոր սրտում, որ ես կարողանամ մեղմել թունալի օրերս,—կրկնում էր Վահէն,—հչ, հչ, չկայ այս աշխարհումը ինձ մխիթարութիւն. չկայ այս վերան երկրում ինձ համար մի այլ սէր, բացի քո սիրուց. բայց դու, իմ հոգեակս, ուր ես, ուր... Վերջին բառերն արտասանելիս, նա, համարեա, թուլացած ընկաւ Սօնայի գերեզմանի վրայ: Նա ոչ մեռաւ էր, ոչ կենդանի. ընկած էր ցնորքների աշխարհու մերան թուում էր, որ իրանց ոչ հեռու երևում է մի սև ամպ, որը հետզհետէ ցածրանալով սև մշուշով ծածկում շրջակայքը: Այդ մշուշի միջից Վահէն պարզ տեսնում էր ամեն բան. նրանից ոչ հերու երևում էր վայելչագեղ հասակով և զեղազան դէմքով մի համեստագոյն կոյս, որը գաղտագնաց քայլերով դէպի իրան էր գալիս: Վշտաբեկ երիտասարդը չը կարողացաւ որոշակի ճանաչել՝ Սօնան էր այդ, թէ մի ուրիշը, նրան նման ակից: Վեր բարձրացաւ ընկած տեղից և ուզում է

դէպի նրան ընթանալ. բայց աւանդ որտեղից որ էր գորգաց ամբողջ մթնոլորդը, աղջամուղջը պատեց շրջակայքը և ահաբեկող որոտումները, գոռում-գոչումը, քամիների սուլոցը վայր գլորեցին թէ իրան և թէ հրաշագեղ կոյսին: Վահէն ուշաթափուեց. երբ ուշքի եկաւ, պարմանքից թէ կսկծից մնաց տեղն ու տեղը քարացած. վայելչակազմ այդ կոյսը վիրաւորուած և անդամահատուած ընկած էր գետնի վրայ զանազան տեղերում: Նրա վրայ ընկած էին զանազան թշնամիներ և խելակորոյսի նման չը գիտէին ինչպէս յագուրդ տային իրանց տուփանքին:

Վահէն զդուեց այդ անախորժ տեսարանից և պատրաստուեց հեռանալ. սակայն յանկարծ կոյսի յօշոտուած մարմնի իւրաքանչիւր մասից այնպիսի սուր ճիչ լսեց, որ ամբողջ մարմնով դողաց ու փշաքաղուեց:

—Ո՛ւր, ո՛ւր ես հեռանում, ո՛վ երիտասարդ,— ձայն էին տալիս նրան կոյսի մարմնի անդամները,— ես դեռ չեմ մեռած. երակներումս տակաւին կենդանութեան կայծեր կան: Շատերը եկան և ինձ այսպէս վիրաւոր տեսնելով, գլխակոր փախուստ տուին. դրանցից ամեն մէկը դուրկ էր անձնագոհութեան ընդունակութիւնից, ամեն մէկը որեւէ անձնական հաշիւներով էր զբաղուած: Դու էլ եկար և այսքանը տեսնելուց յետոյ, պատրաստուեմ ես հեռանալ. դու ես մնացել եմ վերջին յոյսն ու ապաւէնը դու ես օժտուած ուսման—քաղաքակրթութեան պաշարով, սակայն դու էլ տակաւին քո Սօնայով ես զբաղուած: Թո՛ղ, թո՛ղ աղաչում եմ. ես հազարաւոր Սօնաներ եմ տեսել, հազարաւոր ընկածի օգնութեան հասել, բայց, տարաբաղդաբար, այսօր ոչ ոք ինձ մօտ չի գալիս: Ինչո՞ւ ես զարմանում, միթէ չը գիտես թոյլին, ընկածին, անարգութեան օգնութեան հասնել, ոտքի կանգնացնել մեծ առաքինութիւն է և վիրաւոր սրտի համար մխիթարութիւն ու սփոփանք: Ինչո՞ւ ես զմայլուած և ինձ դիտում. միթէ կարծում ես Սօնայիդ սէրից բարձր սէր չը կայ. միթէ հաւատացած ես որ բացի Սօնայիցդ քեզ մի այլ մխիթարութիւն չըկայ: Կայ, բայց դու տակաւին չես ըմբռնած. զգաստացիք և քեզ նուիրիր այլոց օգնութեան, ընկածի, անարգութեան փրկութեան և դու մխիթարուած կը լինես ու բաղդաւոր: Հինգ-վեց տարի տոկունութիւն ունեցար չը տեսնուել Սօնայիդ հետ և նուիրուել թոյլի, անարգութեան բաղդաւորութեան, այժմ էլ հաւատացած եղիր, որ այն սէրը դարձեալ կը ղեկավարի քեզ և աւելի ևս երջանիկ կլինես... Յիշիր տուածդ երդումը, ուխտը, երբ դեռ նոր աւարտած տուն էիր վերադառնում...

Վահէն ողորդուեց և վազեց դէպի նա. բայց իսկոյն կանգնեց,
ԼՈՒՄԱՅ 1909 Պ.

որովհետև նրան վայրկենաբար շրջապատեցին սուղիններով զինուած սպաններ, որոնք դէպի նա ուղղեցին իրանց սուղինների ծայրերը: Թշուառ երիտասարդը մնաց շուարած, բայց այդ ժամին նա դարձեալ լսեց վիրաւոր կոյսի հառաչանքի ձայնը:

—Անմտութիւն է, Վահէ, քո գործածը. սրանցից իւրաքանչիւրը ունի իր թիկնապահները, որոնք մահի և կեանքի դիմադրութիւն ցոյց կը տան քեզ, եթէ դու ձեռնունայն մարտնչելու լինես: Վերադարձիր, զինուորիկ, նման զէնքերով, ապա շտապիր այստեղ: Օրինակելի է իմ անդամների յատկութիւնը. նրանք գիտեն իմ նախկին գեղեցկութիւնը ինձ վերադարձնել:

Վահէն զարթնեց: Մութը նոր էր սկսել և կամաց-կամաց տարածուել: Նա մնաց զարմացած թէ՛ այդ ինչ երազ էր. յիշեց իր անցեալը, իր տուած ուխտը և տխրութեամբ լռեց. նա սթափուած էր: Մինչ սա այս զրութեան մէջ էր գտնուում, նրան մօտեցան հէքիմը Արթոյի, Թորոս-Բիճայի և Սալվիի հետ, որոնք միմեանց ետևից սկսեցին մխիթարել նրան: Սրանք բոլորն եկել էին Սօնայի գերեզմանը համբուրելու, որովհետև միւս օրը ճանապարհ էին գնալու, թողնելով Սալվի տատին և Վահէին Տըրխ գիւղում:

IV

Գեանձակ, Արմզոնք, Ծակ-ծակ, Հէգ-Ձոր, Զուտ-Գեղ, Արջէ-նից-Վանք, Նոր-Շէն և տասնեակ սրանց նման գիւղեր բոցերի և ծուխերի մէջ էին, որոնք իրանց այդ անսպասելի աղէտով գալիս էին բարդելու Վանայ ծովակի դարաւոր վիշտ ու ցաւը: Նրա ամբողջ շրջակայքը կրակի ճարակ դառած՝ գիշերային խաւարի մէջ մի ահաւոր լապտերի էր նմանուում, որը ասես պատրաստել էին ծովակի հայելին աւելի ևս պարզ տեսնելու: Նրա շրջակայքը աւերուած, թալանի ենթարկուած էր և այժմ մի հրէշաւոր հնոց էր ներկայացնում, որի միջից մերթափի լսում էր թշուառ գեղջուկի վերջին օրհասական հառաչանքը, ճիչը, որոնց պակասը գալիս էր լրացնելու նրա մարմնի ձենձետոցի զարշահատութիւնը: Իսկ աւելի հեռւում, լեռների ստորոտներից ու լանջերից թռչում էին և գալիս նոյնքան աւելի սրտամաշ լաց ու կոծի, խուլ հոնգուրոցի ձայներ, դրանք քրդի գիրկ զլորուած ու գերի տարած հայ գեղազան օրիորդների և նորահարս տիկիկների ճիչ ու աղաղակներն էին, որոնք լսւում էին քրդական վրաններից, ուր փախցրել էին և դրել այդ դժբաղդ զոհներին: Ամեն ինչ տխուր էր և սրտամաշ: Տարիների ընթացքում արիւն քրտինքով ձեռք բերած

հայ գեղջուկի վաստակը այժմ մի բուպէում բոցերի՝ հրեղէն լեղունքի ճարակ էր դառնում և մոխրի կոյտեր կազմում, որով ասեա գալիս էր բողոքելու մարդկանց քարասրտութեան և տմարդի վարմունքի դէմ: Տանտէրը իր քանդուած օջախի կողքին այրւում, փոշի էր դառնում, անէծք ու նղովք կարդալով բռնակալութեան անարգ սկզբունքին:

Սակայն սրանք աւելի երջանիկ էին այն կենդանի մնացածներին, որոնք թողնելով այդ երկրում՝ կրակների և բոցերի մէջ և թշնամու զրկում իրանց սիրելիներին, մի կերպ փրկել էին իրանց չարքաշ գլուխը և սար ու ձոր ընկել, իրանք էլ չիմանալով թէ՛ ուր են գնում: Ժամհրով, օրերով քաղցի կարիքը նրանց խոտաճարակների էր վերածել և նրանք այս ու այն խոռոչից մերթ-մերթ գազտագողի դուրս էին պրծնում ու խոտերի վրայ ընկնում և մի ապշեցուցիչ եղանակով արօտ անում, որից յետոյ դարձեալ անյայտանում իրանց ծածկավայրերը, որ քուղը նշմարել չը կարողանայ և երբ գիշերը վրայ հասնի, նորից իրանց անյայտ ճանապարհը շարունակեն դէպի մութ ապագան:

Շարունակելով աննախանձելի և չարքաշ կեանքը, ոմանք խումբ-խումբ մի կերպ հասնում էին Աղթամարի Ս. Գէորգի սրբավայրը և պատսպարւում այստեղ. մի քանի շաբաթուայ ընթացքում խմբուել էին այդտեղ. մի քանի հազար թշուառ բաղդից հալածուածներ, իրանք էլ չիմանալով թէ՛ ինչու համար են խմբուում այդ վշտալից մենաստանում: Պէտք էր տեսնել, թէ այստեղ ռքան սոսկալի և ռքան օրհասական դարձաւ վանականների դրութիւնը, սրանք մի քանի նաւ վարձած՝ միշտ գաղտնողի այս ու այն վայրերն էին ուղարկում ուտեստի պաշար հայթայթելու սովալուկների համար:

Մի առաւօտ, երբ նաւերից մէկը հացի պաշարով բեռնաւորուած՝ պատրաստւում էր վերադառնալ կղզին, ձորիճեղերքին, նաւակից ոչ հեռու, երևեցաւ մի երիտասարդ, որը աճապարում էր հասնել նաւին և նրանով կղզին ուղևորուել: Սակայն նաւավարները չը նայած նրա թախանձանքին մերժեցին վերցնել նրան նաւի վրայ և սկսեցին իրանք թիավարել դէպի կղզին:

— Ես հայ եմ, — գոռում էր թշուառ երիտասարդը, — ի՞նչու այդպէս քարասիրտ էք դէպի ինձ:

— Դուցէ և հայ լինես, բայց ռքան օգուտ մեզ քեզ նման հայերից. շատերն են այդ անբաղդ անուան տակ մեզ մերձենում. բայց ապագայում զգում ենք, որ մենք չարաչար խաբուած ենք եղել, որովհետեւ դրանք ուրանալով իրանց սիրտ ու զգացմունքը, դաւաճանի անարգ դերն են կատարում: Օ՛, այդպիսի հայերով

լիքն է այժմ մեր քանդուած երկիրը. որքան երջանիկ, որքան բաղ-
դաւոր կը լինէինք մենք, եթէ էդպիսի հայերը բնաւ չը ծնուէին
այս սգաւոր հողի վրայ,—կրկնում էին նաւաւարները և առաջ
ընթանում:

—Ի՞նչուր էք, եղբայրներ, ինձ դաւաճանի տեղ ընդունում,
ես մի դժբաղդ ճանապարհորդ եմ, նոր եմ եկել երկիրը և ուզում
եմ անպատճառ կղզին անցնել. խղճացէք ինձ:

—Անցիր, ինչպէս քէֆդ ուզում է,—լսում էր արագ-արագ
հեռացող նաւակից:

Անծանօթը մնաց շուարած. ետեից նրան վտանգ էր սպառ-
նում. նրան հալածում էին քրդերը, որոնք անշուշտ սրախողխող
կ'անէին նրան, եթէ բռնէին. իսկ առաջ գնայ անհնարին էր: Մի
քանի վայրկեան լռութիւնից յետոյ, անծանօթի գլխում յղացաւ
մի նոր միտք. նա ամբողջովին հանեց իր զգեստները, կապեց
գլխի վրայ և առանց տատանուելու ջուրը նետուեց ու սկսեց լու-
ղալ նաւի ետեից դէպի կղզին: Երկար քափ ու քրտինք թափե-
լով, վերջապէս նա դուրս եկաւ ցամաքը:

Մի ակնթարթում նրան շրջապատեց անբաղդների մի ստուար
բազմութիւն, որը մի ըոպէ մոռանալով իր սեփական վիշտը,
հետաքրքրութեամբ շարուել էր եզերքին և դիտում էր ջրիահոռ-
լի ալիքների հետ մաքառող լողւորին և, երբ նա դուրս էր ե-
կել, շրջապատել էր նրան և հարցերի մի հեղեղ էր, որ թա-
փում էր նրա գլխին:

—Ո՞վ ես դու, որտե՞ղից ես գալիս, ի՞նչու էդպէս վարուե-
ցիր, չէ՞ կը խեղդուէիր... և հազար սրանց նման հարցեր, որոնց
իհարկէ, յաճախ անծանօթը չէր էլ պատասխանում:

Անծանօթը շարժել էր և միաբանների հետաքրքրութիւնը,
սրանք էլ շուտով մօտեցան նրան և հրամայեցին կալանաւորել:

—Սրբազան հայրեր, ի՞նչու էք առանց պատճառի, առանց
հարց ու փորձի կալանաւորում ինձ. յանցանքս ի՞նչ է. չէ՞ որ ես
հայ եմ և ձեզ եմ դիմել:

—Ո՞վ է ուրանում, որ դու հայ ես, բայց ակներև է և այն,
որ դու մեզանից օտարացած հայ ես և, ինչպէս մենք գիտենք,
քեզ պէս շատերը այդպէս միայնակ, յանկարծ անսպասելի կերպով
յայտնուում են այս ու այն տեղ ու մի օր դարձեալ անհետա-
նում, որից յետոյ այդ վայրերից հազարաւոր զոհեր են կախաղան
հանւում, կամ սրախողխող լինում դրանց դաւաճանութեան շնոր-
հիւ. ո՛չ, մենք արդէն զգաստացել ենք. քեզ պէս շատերը եկան
ու կորան: Այժմ մենք փորձուել ենք: Նրանց բոլորի փոխարէն
դու պիտի տուժես,—պատասխանեցին նրան միաբերան:

—Ո՛չ, ոչ, սրբազան հայրեր, երդուում եմ այս հինաւուրց նուիրական սրբավայրերով, որ ես Տըրթ գիւղիցն եմ եկել. իմ ընկերներս հեռացան ինձանից մի քանի օրով: Ես երկւոր, շատ երկար սպասեցի նրանց ճանապարհին. շաբաթներ, ամիսներ անցան, և նրանք չը վերադարձան: Վերջապէս, ինձ յաջողուեց իմանալ, որ նրանք այս կողմերն են եկել թշուառներին ձեռքից եկած օգնութիւնը չը խնայելու. ես էլ եկայ նրանց ետեւից. ինձ ասացին, որ նրանք անշուշտ ձեր վանքում կը լինին: Մի տանջէք ինձ, անողոր բաղդը շատ է տանջել ինձ: Ես աւելի շուտ գերեզման կ'իջնեմ պատուաւոր մահով, քան դաւաճան-մատնիչի անարգ ու զզուելի անուան տակ ապրել կը ցանկանամ: Եթէ չէք սպանելու, կալանաւորեցէք, որ գոնէ կենդանի մնամ և սրբել կաքողանամ ինձանից այդ արատը, որի մէջ ինձ էլ էք կասկածում, եթէ սպանէք, իմ գերեզմանս անարգանքի առարկայ կը դառնայ ապագայ սերնդի առաջ:

—Տեսնում էք՝ ինչ ճարպիկ լեզու ունի,—վրայ բերեց վանահայրը,—այդպէս օձի լեզու միայն դաւաճան-մատնիչները ունին. բերեցէք զրան իմ ետեւից, տղայք:

—Ես ինքս կը գամ, սրբազան հայր, հրամայիր թող ձեռքերս կապած լենին. տար ինձ ուր ուզում ես,—դիմեց նրան անծանօթը:

—Տղայք, դրա հետ հետեցէք ինձ:

Շուտով նրանք հասան կղզու այն ժայռի գլուխը, որտեղից միշտ վայր էին նետում նրանք յանցաւորներին:

—Ինչո՞ւ էք, սրբազան հայր, այդքան շտապում ինձ մահացնելու միթէ կարելի բան է առանց ստուգելու թէ ես ո՞վ եմ. ինչո՞վ արդեօք ես հաւատացնեմ ձեզ, որ դաւաճան չեմ և որ դուք չարաչար սխալուում էք:

—Այսպիսի ժամանակներում դաւաճան տիպեր շուտ են աչքի ընկնում. և դրանք ոչ մի բանով չեն կարող հաւատացնել մեզ, որ իրանք սուրբ մարդիկ են:

Այս ասելուց յետոյ, վանահօր հրամանով մօտեցան անծանօթին վանքի սպասաւորներից երկուսը և կապեցին նրա ոտքերը և տարան նրան ժայռի այն եզերքին, որից երևում էր ահուելի անդունդը, ուր ծովը քաղցած վիշապի նման ասես աչքերը չռած այդպիսի զոհերին էր սպասում: Անծանօթը, տեսնելով որ մի երկու ըռպէից յետոյ ինքը ծովի ջրերին կերակուր է դառնալու և, զգալով, որ ոչնչով մեղմել վանահօր սիրտը կարելի չէ, խնդրեց նրան մի քանի ըռպէ սպասեցնել տալ մինչև վերջացնէ իր ասելիքը:

—Սրբազան հայրեր, իւրաքանչիւր մահկանացուի այս սե-
աշխարհում մի վախճան է գրուած. և իւրաքանչիւր փոքր ի-
շատէ պատուախնդիր անհատին ցանկալի է, որ այդ վախճանը
անարատ լինի. ես այս վերջիններիցն եմ. ես որքան թախանձեցի՝
չը կարողացայ համոզել ձեզ, սակայն չը կարծէք թէ վախենում
էի մահից. ոչ. այն օրից, երբ անողոք ժամանակը և չարաբաստիկ
հանգամանքները գերեզման տարան իրանց հետ իմ սիրտն ու հո-
գին, այն օրից, երբ ես տարիներ ընթացքում մասամբ ծանօթացայ
այս դժբաղդ երկրի հետ, ուսումնասիրեցի նրա նոյնքան դժբաղդ
զաւակների օրը, այդ օրից ես իւրաքանչիւր ժամ, իւրաքանչիւր
րոպէ մահն աչքի առաջ եմ ունեցել և ինձ նուիրել եմ այդ
երկրի ու ժողովրդի կարիքներին:

Վեց երէար, բայց և վեց նուիրական տարիներ եմ շրջել
այդ երկրի ամեն մի ծակ ու ծուկը:

Օ՛, ինչե՛ր չեմ տեսել. ինչերի՛ աղանաւտես չեմ եղել աչ-
քերս. այսօր էլ հեռով երկրում, թողած սիրելիների մի ստուար
բազմութիւն, ես շտապեցի այս թշուառութեան, անբաղտու-
թեան բեմը և այժմ էլ ուրախ եմ, որ այդ վեհ գաղափարին եմ
զոհ գնում, եսկայն ցաւալի է որ այդ կատարում է եկեղե-
ցու սպասաւորի ձեռքով: Այո, դեռ կենդանի է Տրաթլամայի ողին,
դեռ շրջում է նա մեր թշուառ իրականութեան մէջ: Այս երկրորդ
անգամն է, որ ես գերեզման եմ իջնում: Առաջին անգամ հեքիմիտ
և Արթոյի հոգատար ձեռքերին եմ պարտական, որ քանդեցին
մահուանս սպանիչ կապանքները և դուրս բերին ինձ աշտե-
ղից: Ա՛խ, ինչո՞ւ դուրս եկայ, ինչո՞ւ այն օրը չը մեռայ, մնացի
կենդանի, որ այժմ աւերուած, ա՛հ ու դողով պաշարուած այս սրը-
բական վայրերի վիշտն էլ հետս յաւիտենականութեան աշխարհը
տանեմ ու այն ահեղ Աթոռի առաջ սփռեմ: Բայց միթէ քարա-
ցած է այդ Աթոռի գութը, ողորմութիւնը: Դուք կղզիացիւ էք
այս հինաւուրց վայրում, բայց խնդրում եմ, աղաչում, հանգա-
մանքները ներածին չափ դուրս եկէք ձեր վանդակից, շրջէք այս
դժբաղտ երկրում: Ծ՞ գիտէ՞ք ինչեր կը տեսնէք... ճրքան աւերուած,
մոխիր դառած գիւղեր, ճրքան արիւն քրտինքով ներկուած տներ
կրակին զոհ դառած կը տեսնէք:

—Տօ, Լե ինչ է դուրս տալիս,—գոռաց վանահայրը,—դէհ,
վայր գլորեցէք անգգամին, տղայք:

Սպասաւորները բռնեցին անծանօթի վզից, մի վայրկեան
և նա ջրերի գրկում կը լինէր. բայց այդ րոպէին մի կարճա-
հասակ տղամարդ, ճեղքելով ամբոխի շարքերը, իր բազուկների
ամբողջ ոյժով բռնեց նրանց ձեռքերը,—այդ ի՞նչ էք անում, այդ

ուսն էք ջրերին կերակուր ուղարկում,—վրայ բերեց նա,—արձա-
կեցէք այս անբաղդ զոհի ոտքերը և ձեռքերը: Անծանօթը շուռ
եկաւ և... իր կողքին կանգնած էր Արթօն, որը զայրոյթով
դիմեց նրան.

—Վահէ, այս էլ երկրորդ անգամն է, որ դու ինձ չես լսում
և այսպիսի օրի ես քեզ հասցնում:

—Ա՛խ, Արթօ, հրտեղից հասար և ինչո՞ւ այս դերը միշտ
քեզ է վերապահուած. կեանքովն ես քեզ եմ պարտական:

—Թող այդ, ի սէր Աստուծոյ, մենք քեզ հետներս չը վեր-
առանք միմիայն նրա համար, որ դու շատ թոյլ էիր և մաշուած
և պատուիրեցինք սպասել մեզ, սակայն դու շատ լաւ ես կատա-
րում մեր պատուէրը. իսկ դուք, անբաղդ ժողովուրդ և սրբազան
հայրեր, պատրաստուեցէք, այս գիշեր պիտի դուրս գաք այս սըր-
բավայրից, որ կարողանաք ողջ փրկել ձեր գլուխները, որովհետեւ
մեզանից մի քանի ժամուայ հեռաւորութեան վրայ գտնուում է
Մուստաֆա փաշան, որ ահագին զօրքով այստեղ է գալիս: Ես
երբ իմացայ այդ, ընկերներիս պատուիրեցի նրանց հետեւել գաղ-
տագողի. իսկ ինքս շտապեցի ձեզ հաղորդելու այս լուրը և ձեզ
դուրս բերելու վանքից:

ԼԵՒՈՆ ԽԱՆԶԱԴԷ

(Կը շարունակուի)

ՄԱՏԵՆԱԽՕՍԱԿԱՆ

ԻՄ ԵՐԿԵՐԻ ՔՆՆԱԴԱՏՈՒԹԵԱՆ ԱՌԹԻԻ

«Բազմավէպ» ի ներկայ տարուայ Յունուարի տետրում Լէօն շարունակելով «Ռուսահայ վիպագրութիւն» վերնագրով իւր քննադատականը, բաւականաչափ հայհոյանքներ էլ ուղղել է իմ հասցէին:

Պարապ չը գտնելով ժամանակին իմ դիտողութիւնն անել այդ առթիւ, այժմ եմ գալիս նոյն պարտքը կատարելու ընդունելով որ ճշմարտութիւնը երբ էլ որ ասուի, կը մնայ ճշմարտութիւն:

Նախ՝ ես զարմանում եմ որ «Բազմավէպ» ի յարգարժան խմբագրութիւնը իւր յայտարարութեան մէջ՝ «արտաքին աշխատակիցներուն» ուղղուած պայմանների շարքում «Չենք մերժեր թղթակցութիւններ, եթէ գրուին լրջօրէն, առանց կուսակցական ոգւոյն, առանց կրքերու մղումի» խօսքերը գնելուց յետոյ, այսուամենայնիւ, տեղ է տուել Լէօի՝ իմ նկատմամբ գրուած հատուածին, որ ոչ միայն տողորուած է «կուսակցական ոգւով» ու «կրքերու մղմամբ», այլ և ամփոփում է հայհոյանք, ստութիւն և զրպարտութիւն: Եթէ յարգելի խմբագրութիւնը դիտմամբ չէ արել այդ բացառութիւնը միայն Լէօի համար, ապա նա կը հաճի թոյլ տալ և ինձ՝ ասել այդ առթիւ մի քանի խօսք, ընդունելով որ իւր թերթի միջոցով զրպարտուածը՝ իրաւունք ունի նոյն թերթում արդարանալու:

Ընդունուած չէ առհասարակ, որ հեղինակը հրապարակ դայ իւր գործերը պաշտպանելու, երբ մատենախօսին մէկը քննադատում է նրանց: Այդ համարւում է պատշաճից դէմ այն պարզ պատճառով, որ ամենքը գիտեն թէ՝ «Պառաւն իւր թանին թծու չի ասիլ»:

Բայց երբ ինքն իրեն քննադատ ներկայացնողը՝ զուրկ լինելով ծշմարիտ քննադատին վայել թէ՝ պատրաստութիւնից և թէ բարեխղճութիւնից՝ քննութեան առած նիւթը դիտմամբ խեղաթիւրում, կամ հեղինակի անունն արատաւորելու նպատակաւ՝ նրա

երկերին յատկացնում է սուտ ու շինծու թերութիւններ, այդ դէպքում հեղինակն իրաւունք ունի մի կողմ թողնելու համեստութիւնը և հրապարակ գալով՝ մերկացնելու քննադատի չարամտութիւնը:

Այդ իրաւունքը ունիմ ես, մանաւանդ այն պատճառով որ իմ երկերը 1880-ից սկսած մինչև այսօր տպուել են միայն պարբերական թերթերում ու հանդէսներում և լոյս չեն տեսել առանձին գրքերով: Հետևապէս, եթէ անբարեխիղճ քննադատը շինծու թերութիւններ էլ յատկացնէ նրանց, այսօրուայ ընթերցողը, որ անձանօթ է անցեալին, պիտի հաւատայ նրան, ըստ որում անկարող է հին թերթերը քրքրելու և քննողի ասածներն անձամբ ստուգելու:

Այսուամենայնիւ, չընդունելով Լէօին իբրև քննադատ, որպիսին լինելու նա ոչ կարողութիւն և ոչ էլ պատրաստութիւն ունի, այլ և ուշադրութեան չառնելով իմ մասին տուած նրա վկայութիւնները թէ՛ իբր ես անյայտ եմ ընթերցող հասարակութեանը, թէ՛ վերջինս չէ ոգևորուել իմ պահպանողական ուղղութեամբ և այլն և այլն—ըստ որում յայտնի է որ Արծրունու յաջորդները «հասարակութիւն» անուանում են միայն նրանց, որոնք իրենց «հաւատն» են դաւանում և իրենց «կուռքին» երկրպագում, իսկ զրանցից դուրս հայութիւն չեն ճանաչում—ես, 'ի հարկէ, չեմ երկարիլ խօսքս այդ ուղղութեամբ: Բայց կարևոր համարելով ներկայացնել ընթերցողին Լէօի արժանեաց կշռաչափը, առաջ եմ բերում նրա գրութեանց նախ՝ ցանկը այն հայհոյանքների, որ նա ուղղել է իմ հասցէին և երկրորդ՝ այն սուտերն ու զրպարտութիւնները որ յերկրել է իմ երկերի նկատմամբ: Այդքանով արդէն ուշիմ ընթերցողը կարող է ընտրել նրան թէ՛ իբրև մարդու և թէ՛ իբրև քննադատի:

Իմ երկերին նուիրած երկու և կէս փոքրիկ սիւնակներում Լէօն ինձ անուանել է՝ «անհամբերող, յետադէմ, խաւար հասկացողութիւնների տէր, փանատիկոս, բղանդաւոր, սանձարձակ պարսաւագրող, ուղղափառ հայրենասէր (ծաղր), ամբոխի ստոր կրքերը գրգռող, զրպարտող, առասպելարկու, տիրացու ազգասէր, մարդկանց միտքը թունաւորող, պատմութիւնը կեղծող, հրեշաւոր մեղադրող, կրքից կուրացած, անուանարկող և (վերջապէս) զրականութիւնը պղծող»...

Առաջ բերելով հայհոյանքների այս ցանկը, ինձ ուրիշ ոչինչ չէ մնում ասել, հիթէ ոչ յիշեցնել ընթերցողին Բիւֆոնի խօքը՝ le style c'est l'homme—ոճը ինքը մարդն է: Իսկ ընթերցողը զրանցից պիտի եզրակացնէ այն՝ թէ երբ մի զրագէտ տէր է այսպիսի ոճի, այսինքն՝ խօսելու կամ գրելու ժամանակ կորցնում է գլուխը այն-

քան որ «բաղար»-ը շփոթում է «դպրութեան» հետ. այդ արդէն ապացոյց է որ նա գոչիլ է բարեկրթութիւնից, բարեխղճութիւնից և գրական ապարէզը մտնելու արժանաւոր պատրաստութիւնից: Եւ որովհետեւ այդպիսի մարդու մտքի ու խղճի առաջնորդը միշտ կիրքն է լինում, հետեապէս նրա պարսաւն ու գովեստն էլ նոյն արժէքը պիտի ունենան, ինչ որ ամեն մի խօսք, վկայութիւն, որոնք ծընունդ են լոկ կրքի:

Այս տեսակէտը՝ Լէօի վերաբերմամբ՝ աւելի լաւ են ճշտում հետեւեալները:

Շարունակելով խօսել իմ մասին, նա ասում է.

«Զեռքի տակ չունենալով հեղինակի բոլոր գրուածքները, միայն կցկտուր տեղեկութիւններ կարող ենք հաղորդել նրա մասին»:

Այստեղ, խկապէս, պարոնը պէտք է կանգ առնէր: Որովհետեւ երբ քննադատը առձեռն չունի հեղինակի գրուածքը, կամ գուրկ է այնպիսի յիշողութիւնից որ կարողանայ կարգացածը անսխալ մտաբերել՝ պէտք է բարեխիղճ լինի և լոէ նրա մասին: Բայց չէ: Լէօն որոշել է բոլոր վիպասանների մասին խօսել, բոլորին էլ գանել, վար գարնել և որովհետեւ դրանց թուումն է և Մուրացանը—ահա նա, թէպէտ ձեռքի տակ չունի նրա գրուածքները, այսուամենայնիւ, սկսում է նրանց մասին խօսել, ապահով լինելով որ թէ չըյաջողի պարսաւել նրանց ճշմարտութիւնը գրելով, այդ կանէ, գոնէ, ստեր յերիւրելով:

Խօսելով «Հայ բողոքականի ընտանիքը» վերնագրով իմ անդրանիկ վիպակի մասին, նա խեղաթիւրում ու այլանդակում է նրա ըովանդակութիւնը, մէջ բերելով այնպիսի հետեւութիւններ, որ մի ուրիշը չէր կարող հանել նրա ընթերցումից: Եւ այդ անում է այն ապահով համոզմամբ թէ ընթերցողը չի պիտի համեմատէ իւր դրածը՝ բնագրի հետ: Եթէ այդպէս չը լինէր, կամ թէ նա ընթերցողին ապուշի տեղ չը դնէր, ապա թոյլ չէր տալ իրեն գրել այնպիսի բան.

«Երբ մենք կարդում ենք նրա (Մուրացանի) գրուածքների ցուցակը, իմանում ենք որ նա գրել է և «իմ կաթոլիկ հարսնացուն» վէպը. կարող ենք թոյլ տալ մեզ առանց նոյնիսկ վէպը կարդացած լինելու, թէ ի՞նչ վերաբերմունք պիտի լինի դէպի այդ կաթոլիկը: Միայն այս վերնագիրները՝ «Հայ բողոքականի ընտանիքը», «իմ կաթոլիկ հարսնացուն» բաւական են ցոյց տալու համար որ մենք գոթժ ունենք հայ տիրացուական ազգասիրութեան ներկայացուցիչներից մէկի հետ»:

Բաւական չէ որ մարդ խիղճ չունենայ, ամօթից էլ պէտք է

զուրկ լինի որ հիմնողանայ այս տողերը յանձնել մամուլին: Արդեօք տեսնուած է աշխարհում մի քննադատ, որ վիպասանի գրողականքի միայն վերնագիրը կարդալով, դատաստան անէ նրա մասին: Միթէ այս չէ ապացուցանում այն, որ պարոնը հենց սկզբից է ձգնում նախապաշարել ընթերցողին և տողերը նրան այն ատելութեամբ, որով ինքն է վառուած գրողի դէմ: Կայ արդեօք այստեղ գրականութեան ու գեղարուեստին ծառայութիւն մտնողանելու ցանկութեան գէթ մի նշոյլ:

«Իմ կաթոլիկ հարսնացուի» մէջ ես նկարագրել եմ գաղափարական սէրը մի կաթոլիկ հայ աղջկայ և հայադաւան երիտասարդի, որոց ապագայ միութեան սիրով համաձայնել են իրենց մերձաւորները, համարելով այդ երկու ընտանիքների համար մեծագոյն մի բաղդ: Բայց կաթոլիկ քահանան խանգարում է այդ միութիւնը՝ յայտնի պատճառներով, որոնք բացաղրուած են վէպի մէջ:—Չէն եղել այդպիսի դէպքեր, չէն լինում և այսօր էլ: Միթէ յանցանք է որ ես իմ վէպերով հարուածում եմ կրօնական մոլեռանդութիւնը. կարդացէք վէպը և տեսէք, այդ է նպատակը, թէ ոչ: Եւ միթէ միայն բողոքական ու կաթոլիկ հոգևորականների թերութեանց մասին եմ խօսել. նոյնը չեմ արել հայադաւան հոգևորականների նկատմամբ: Եթէ առաջինների մէջ հարուածել եմ կրօնական մոլեռանդութիւնը, վերջինների մէջ էլ եպիսկոպոսները զօրաքաղութեան ախտը, ծուլութիւնն ու անգործութիւնը: Ապացոյց ձեռք իմ «Չըհաս է» վէպը, որի մէջ հայ քահանաների մի ամբողջ խումբ, իրենց եպիսկոպոսի հետ, դուրս են բերուած կարի անհամակրելի գծերով: Նոյնը չեմ արած և իմ «Առաքել»-ի մէջ: Ինչո՞ւ Լէօն չէ խօսում դրանց մասին, ինչպէս և այն բազմաթիւ, պատմական ու առօրեայ կեանքից առած վէպերի ու վիպակների որոնց թիւը հասնում է երեսունի:

Չի խօսւիլ, այո, որովհետեւ դրանց մէջ չէ գտնում պատճառինձ լաւապէս հայհոյելու: Իսկ Լէօն գիտէ, որ երբ չէ հայհոյում, իւր գրուածքը արդէն գրկւում է աղից:

Յիշելով իմ «Անդրէաս երէց» պատմական վէպը, ասումէ:

«Տէր Անդրէասը պատմական անձնաւորութիւն է: Առաքել պատմագիրը պատմում է, որ նա ուսուցիչ էր Ագուլիսում և Շահաթաւ տեղական ծուրքերի մատնութեամբ նահատակել տուեց նրան: Մուրացանը միևնոյն դէպքն է պատմում: Բայց հայ քահանային պարսից շահի ձեռքը մատնողները թուրքերը չեն նրա համար, ինչպէս վկայում է ժամանակակից պատմիչը: Այլ կաթոլիկ հայերը, Նախշեւանի ունիոնները: Նոյն իսկ պատմութիւնը կեղծել, այս բանից էլ չէ քաշուել Մուրացանը»:

Ստախոսութիւնն ու զրպարտութիւնը սրանից դէնը անցնել չէ կարող:

Նախ՝ Լէօն, որ ինձ է «պատմութիւնը կեղծող» անուանում, (թէպէտ վիպասանը իրաւունք ունի վէպի մէջ որոշ չափով այդ անելու, օգտուելով քերթողական ազատութիւնից, որի մասին մի անգամ ընդարձակ դաս եմ խօսել Լէօին «Մուրճում», բայց որը նա իբրև բթամիտ աշակերտ մոռացել է). հենց ինքն է այստեղ պատմութիւնը խեղաթիւրում: Առաքել պատմագիրը չէ ասում թէ տեղական թուրքերն են Տէր-Անդրէասին մատնել շահի ձեռքը, այլ թէ՛ նա ինքն է մատնել իրեն, կամենալով ազատել ժողովուրդը: Երբ Շահաբասը մտնելով Ագուլիս, տեսնում է իրեն դիմաւորող բազմութեան մէջ Տէր Անդրէասի աշակերտների գլուխները գերծած՝ (այդպէս արել էին ծնողները, որպէսզի տղաները տգեղ երևալով, շահից չը յափշտակուեն) նա զայրացած հարց ու փորձ է անում թէ՛ ով է արել այդ: Ծնողները ուրանում են իրենց մասնակցութիւն այդ գործի մէջ: Իսկ Տէր-Անդրէասը տեսնելով որ բազմաթիւ մարդիկ պիտի զոհուին, եթէ գործի իսկութիւնը բացուի, որոշում է զոհել իրեն ժողովրդին և շահի մարդկանց առաջ իր վրայ է առնում յանցանքը և ապա նոյնը կրկնում շահի ատեանում:

Այս ձևով էլ ես առաջ եմ բերել դէպքը իմ վէպի մէջ, ճշխացնելով այն վիպական մանրամասնութիւններով:

Բայց Լէօն իւր միջից է հնարում այն, թէ իբր ես ցոյց եմ տուել որ Տէր-Անդրէասին մատնողները նղել են կաթոլիկ հայերը: Պնդում եմ որ այդ սուտ է, անխիղճ յերիւրանք է: «Անդրէաս երէցը» տպուած է «Լումայ» հանդիսի 1897 և 1898 թուի գրքերում: Հետաքրքրուողը կարող է կարդալ: Այդտեղ ոչ միայն հայ կաթոլիկները չեն ունեցել մասնակցութիւն Տէր-Անդրէասին մատնելու գործում, այլ և նրանց կարգապետ Մատթէոս Երաղմոսը և պապի նուիրակ Մարիա Զիտտադիւին միջնորդելով շահի առաջ՝ ներումն են ձեռք բերում Տէր-Անդրէասի համար, այն վայրկեանին, երբ նա կանգնած է լինում կախաղանի տակ: Միայն թէ Տէր-Անդրէասը չը կամենալով ազատուած հռչակուել ունիթոոների շնորհիւ, պատուում է ներման թուղթը և այնպէս նահատակում:

Առաջ բերած այս փաստերով արդէն ընթերցողը կարող է Լէօի՝ իմ և իմ երկերի նկատմամբ արած ըննադատութեան արժէքը չափել:

Ինչ վերաբերում է նրա յօդուածի մնացեալ կէտերին, որոնք նոյն հոգեով ու ուղղութեամբ գրուած լուտանքներ են, թողնում եմ անուշադիր: Վասն զի իմ երկերը, որոնք մինչև այժմ ցիրու-

ցան էին պարբերական թերթերում, այս տարուայ առաջին կիսից սկսած, հետզհետէ պիտի լոյս տեսնեն առանձին հատորներով: Ցանկացողներն, հարկաւ, կը կարդան և ըստ այնմ իրենց դատաստանը կանեն: ¹⁾

ՄՈՒՐՍԱՆ



*) Մեր հանգուցեալ աշխատակից Մուրացանը, իր հիւանդութիւնից և մահից բաւական առաջ յանձնելով խմբագրութեանս մի նամակ յանուն Վենետիկի «Բազմավէպ»-ի խմբագրութեան, խնդրել էր ուղարկել այն վերջինս: Այդ նամակի մէջ նա խնդրում էր յիշեալ խմբագրութեան՝ անմիջապէս ուղարկել «Լուսմայ»-ի խմբագրութեան իւր մի պատասխան-յօդուածը, որ ուղարկել էր «Բազմավէպ»-ի խմբագրութեան տարիներ առաջ, բայց որ վերջինս չէր տպագրել իր թերթի էջերում:

Մենք կատարեցինք հանգուցեալի կարգադրութիւնը և «Բազմավէպի» այժմեան խմբագրից այս օրերս ստացանք յիշեալ յօդուածը, երկար բացատրութիւններով, թէ ինչ հանգաժանքներ ստիպել էին նորան չտպագրել այդ յօդուածը: Եւ այժմ խմբագրութիւնս հրատարակում է այն անփոփոխ՝ իր հանգ. աշխատակցի կտակը կատարած լինելու համար:

ԽՄԲ.

ԱՄՍՈՒԱՅ ՏԵՍՈՒԹԻՒՆ

ԻՆՉ ԵՆՔ ՍՊԱՍՈՒՄ ՎԵՀԱՓԱՌ ԿԱԹՈՂԻԿՈՍԻՑ

Եթէ ուշադրութեան չառնենք հայոց եկեղեցու անկեալ դը-
րութիւնը մինչև Դաւիթ-Դանիէլ կաթողիկոսների կռիւների վեր-
ջը՝ Էջմիածինը երբէք այսպիսի ողորմելի և սնանկ վիճակի մէջ
չէ եղել, ինչպէս այսօր: Հանգուցեալ Հայրապետի ան-
իշխանութեան հասնող բարի բնաւորութեան պատճառով բոլոր
մեր հաստատութիւնները քայքայուեցան, շնորհիւ մեր եկեղեցա-
կան վարիչների ապիկարութեան և վախկոտութեան, Էջմիածնի
և միւս վանքական կալուածները զրկուեցին իրանց եկամուտներից,
դպրոցների հաստատութիւնները ընկան թեթևաոլիկ մարդկանց
ձեռքը և հայ ժողովրդի վիճակը տնօրինողները դարձան մարդիկ,
որոնք հայ ազգի զաղափարական ձգտումները սպանեցին, ոտնա-
կոխ անելով ամեն սրբութիւն: Հասարակական խնդիրները և
պաշտօնեաների վիճակը սկսեցին տնօրինուել կուսակցական շա-
հերի ազդեցութեան տակ: Եւ այսպիսի մի ծանր ժամանակ նոր-
ընտիր կաթողիկոսի առաջին քայլերից է կախուած նրա ապա-
գայ գործունէութիւնը:

Առաջին խնդիրը, որ կարօտ է լուծման, Էջմիածնի և վան-
քերի տնտեսական դրութեան բարւոքումն է: Նախ պէտք է Էջ-
միածնապատկան հողերում ապրող գիւղացիների հետ յարա-
բերութիւնը կանոնաւորել և հողերը տալ հայ ժողովրդին,
պահելով Էջմիածնի կրթական և տնտեսական կարիքները
ապահովելու համար յայտնի քանակութեամբ հող: Երկրորդ՝
պէտք է մի որևէ մասնաւոր առևտրական ընկերութեան
միջոցով մտածել Էջմիածնի ազատ մնացած հողերի բարւոքման
մասին: Երրորդ՝ պէտք է նոյնպիսի ընկերութեան միջոցով վան-
քապատկան այլ ազատ մնացած հողերի և հանքերի մշակման մա-
սին հոգալ: Չորրորդ՝ պէտք է թէ հոգևոր դպրոցների և թէ ծխա-
կան դպրոցների կանոնադրութիւնները և ծրագիրները ձեռնհաս

մարդկանց ձեռքով վերաքննութեան ենթարկել և նրանց մասին հապճէպ կերպով հրատարակուած և անմշակ կարգադրութիւնները նորից վերաքննել ու փոխել այն բոլոր կէտերը, որոնք պատճառ են լինում մեր դպրոցների խառնակ դրութեան: Հինգերորդ՝ պէտք է վերջ տալ Էջմիածնի միաբանութեան մէջ տիրապետող մանր և անարժան ինտրիգներին ու կռիւներին:

Յայտնի է, որ մեր վանքաբնակ հայրերը իրենց ժամանակի մեծ մասը գործ են դնում միմիանց դէմ դատաստանական գործեր ստեղծելու, այս կամ այն եղբայրակից վարդապետի կամ սրբազանի հարիւր տարի առաջ գողացած 5 կամ 10 ուռլի փողի մասին գրիւռ և հերքելու վրայ: Այս բոլորին պէտք է վերջ տալ: Վեցերորդ՝ պէտք է ժողովել Էջմիածնի հին միաբանները, որոնք իրենց բոլոր պակասութիւններով հանդերձ՝ միշտ աւելի շատ են մըտածել և հոգացել Էջմիածնի տնտեսական և կրօնական շահերի մասին, քան շատ երիտասարդ գիտնականներ: Երիտասարդ վարդապետներին պէտք է ուղարկել պաշտօններով ժողովրդի մէջ գործելու, ուր աւելի լայն ասպարէզ կայ նրանց երիտասարդական եռանդի համար, որը Էջմիածնում նրանք վատնում են անմիտ պօլիտիկանութեան փոքրոգի ինտրիգների վրայ: Եօթներորդ՝ պէտք է Էջմիածնի ճեմարանը իրօք դարձնել մի բարձրագոյն դպրոց, մի համալսարան, ուր կարողանան աշխատել ընդունակ հոգևորականներ և աշխարհականներ առանց թոյլ տալու, որ նրանց վիճակը ամեն օր խաղալիք դառնայ ողորմիլի մարդկանց ձեռքին:

Հայրապետական Դիւանը պէտք է կառավարել ոչ թէ 20 ուռլիանոց գրագիրների ձեռքով, որոնք ընդունակ են պատահական մարդկանց ձեռքին խաղալիք լինել, այլ լուրջ և պատրաստուած անձանց հաւատալ այդ կարևոր պաշտօնը, որպէսզի կառավարութեան հետ ունեցած յարաբերութիւնները չնչին պատճառներով չխանգարուին և Հայրապետը ծանր գրութեան մէջ չընկնի այդ պատճառով:

Այս ամենը գործունէութեան ընդարձակ ասպարէզ է բաց անում ամենայն Հայոց Վեհափառ Կաթողիկոսի առաջ, որ իւր կորովի կամքով և խելամիտ փորձառութեան շնորհիւ անկասկած կարող կլինի բարւոքել Հայ եկեղեցու և ժողովրդի ներկայ աղետալից կեանքի ծանր պայմանները:

ՀՈԳԵԻԱՐՔԻ ՃԻԳԵՐ

Այն ժամանակ, երբ թրքական կոնստիտուցիան արբեցուցիչ ազդեցութիւն էր գործել ազատութեան այնքան ծարաւի թիւրքիոյ հայերի վրայ, ժողովուրդը իսկական խենթուկի ուրախութիւններ էր անում և թեթևադիմ մամուլը բացականչում էր «Այ ազատ ենք»...

Այն ժամանակ, երբ դարերի մահացու թշնամիները սիրոյ ու եղբայրութեան ջերմ համբոյրներ էին փոխանակում և հայ եկեղեցու բեմից թիւրք սպաներն էին ճառախօսում...

Այն ժամանակ տողերիս գրողը մի շարք յօդուածներ նուիրեց այդ հրատապ հարցին «Երկդղի կոնստիտուցիան» և «վարագոյրը բացում է» վերնագրերով, որոնք լոյս տեսան «Մեր Ձայն»-ի էջերում:

Այդ յօդուածներում մենք յայտնել էինք մեր անվստահութիւնը Օսմանեան սահմանադրութեան մասին և որպէս հիմք այդ անվստահութեան յառաջ էինք բերել հետևեալ փաստերը.

Նախ՝ որ թիւրքիոյ մահմեդական ժողովրդին հաւասարութեան սկզբունքը անըմբռնելի է, որովհետև թէ տգէտ է և թէ ձրիակերութեան վարժուած:

Երկրորդ՝ որ թիւրքիոյ յեղափոխականները անկեղծ չեն և իշխանութիւնը իրենց ձեռքը ձգելուց յետոյ չեն յապաղի Համիդից ոչ պակաս հալածանք սկսելու ոչ մահմեդական հպատակների դէմ այն համոզմամբ, որ իրաւունքների հաւասարութեան և գործունէութեան ազատութեան դէպքում մահմեդականները չը պիտի դիմանան նրանց կուլտուրական մրցութեան:

Երրորդ՝ Սուլթան Համիդը չի դադարի իւր միահեծան իշխանութիւնը վերստանալու համար ինտրիգներ սարքել թէկուզ այդ քայլը ծանր զոհաբերութիւններ էլ պահանջելիս լինէին:

Չորրորդ՝ եթէ նոյնիսկ յիշեալ ենթադրութիւնները սխալ էլ լինեն, վերջին խօսքը պատկանում է թիւրքիայով շահագրգռուած պետութիւններին, որոնց համար թիւրքիոյ վերածնութիւնը ձե-

ուրնտու չի եղել և ձեռնտու չէ. ուրեմն նրանք իրենք պէտք է աշխատեն սահմանադրութիւնը ոչնչացնել, կամ գէթ նրա չիւսարար ոգին չեզոքացնել:

Դժբաղդաբար յետագայ դէպքերը եկան ապացուցանելու մեր կարծիքների ճշտութիւնը: Մենք տեսանք եւրոպական պետութիւնների գաղտնի ինտրիգան, տեսանք թիւրք յեղափոխականներին Բոսֆորի պարլամենտի կենտրոնը գրաւած և ծայրայեղ աջակողմեան ուղղութեամբ վերաբերուելիս դէպի քրիստոնեայ հրապարակների իրաւունքները, տեսանք մահմեդական ամբոխի վերաբերմունքը դէպի իրաւապուրկ հայը, տեսանք՝ վերջապէս շատ բան:

Եւ 'ի լրումն մեր գուշակութեան, հանդիսատես եղանք և հայկական ջարդերին. ջարդեր, որոնք ըստ հեռագրական տեղեկութիւնների, տասնեակ հազարաւոր զոհեր խլեցին և դեռ շարունակուում են մինչև այսօր:

Ո՛ւմ վրայ է ծանրանում սահմանադրութեան օրերում թափուած այս արիւնը:

«Միութիւն և յարաջադիմութիւն» կոչուած կօմիտէն գտաւ, որ այս կոտորածի հեղինակը եղել է Սուլթան Համիդը և շտապեց այդ մեծ մարդասպանին զահնկեց անել:

Դա շատ լաւ է. մի ըոպէ մենք էլ թոյլ ենք տալիս մեզ բացականչելու «փառք և պատիւ նրանց»:

Բայց միևնոյն ժամանակ մենք ուրիշ կարծիքի ենք:

Ով որ Սուլթան Համիդ ասելով հասկանում է նրա անձնաւորութիւնը և անցեալ ու ներկայ չարիքները վերագրում է նրա անձնական քմահաճոյքներին ու ձգտումներին—շատ սխալուում է:

Փորձեցէք նոյն մեծ մարդասպան Համիդին կոչել Միացեալ Նահանգների նախագահութեան պաշտօնին—նա կլինի բոլորովին ուրիշ մարդ, ճիշտ հակապատկերը աշխարհահռչակ չարագործ Համիդի:

Պետական նշանաւոր դիրքեր գրաւող մարդկանց անհատական վատ հակումները աննշան չարիքներ կարող են բերել, երբ նրա տրամադրութեան տակ եղող ժողովուրդը քաղաքակրթուած է, գիտակից իւր արածներին:

Որ Սուլթան Համիդի կրծքի տակ մարդկային սրտի տեղ մի հրէշ էր նստած—այդ մենք գիտենք. բայց համոզուած ենք, որ այդ հրէշը կարողանում էր այդքան հրէշաւոր ոճիրներ յղանալ և կատարել տալ հէնց նրա համար, որ թիւրք տարրը ոչնչով չէր զանազանուում իւր միապետից, որ նրանց կրծքի տակ էլ մարդկային զգայուն սրտի տեղ նոյն հրէշն էր նստած:

Այլ սրտի տէր, այլ համոզմունքների ու աշխարհայեացքների տէր բացառութիւնների մասին չէ մեր խօսքը, որոնց թիւը շատ չնչին է ոչ միայն մահմեդական ամբողջութեան, այլ և յեղափոխականների մէջ:

Ուրեմն Սուլթան Համիդը չէ մենակ պատասխանատուն թիւրքիայում կատարուած սարսափելի ոճիրներին ու չարիքներին, այլ ամբողջ մահմեդական ժողովուրդը: Թող որքան կուզեն չքմեղ ձեւացնեն իրենց, թող նորից ու նորից Շիլլիի նահատակների համար հոգեհանգիստներ կատարեն ու իրենց ձեռքերն ու շրթունքը մեկնեն հայերին, այնուամենայնիւ մենք ասել ենք և այժմ էլ կրկնում ենք, որ հայկական արիւնը ծանրանում է ամբողջ թիւրքիայի մահմեդականների վրայ:

Ոչ մի քարոզ գազանին չի զսպի իւր բնական գազանութիւնը գործել. ոչ մի սահմանադրութիւն թիւրքիայի քրիստոնեայ ժողովրդին, մանաւանդ անպաշտպան հային չի փրկի ջարդերի վտանգից, քանի որ իշխանութիւնը կը մնայ մահմեդական դատաւորների, նահանգապետների ու մինիստրների ձեռքում և մահմեդական զօրքի պաշտպանութեան ներքոյ:

Սրանով մենք չենք ուզում ասել, որ Համիդը պէտք է մնար գահի վրայ. ընդհակառակը մենք իւր ժամանակին ասել ենք, որ մինչդեռ Սուլթան Համիդը կը մնայ գահի վրայ և կը շարունակի իւր եղբայրական յարաբերութիւնը Վիլհելմ կայսեր հետ, թիւրքիոյ սահմանադրութեան գլխին վտանգը, դամոկլիեան սրի նըման, միշտ կախուած կը լինի:

Պէտք է ասել, որ Մուհամեդ V-ի օրով սահմանադրութեան աւելի քիչ վտանգ է սպառնում: Բայց եթէ Համիդը, որպէս և իւր սիրելի ու օսմանեան գահի թեկնածու որդին ամենևին գոյութիւն չունենան, վտանգի հաւանականութիւնը աւելի ևս կը պակասի:

Ասում են, որ Մուհամեդ V-ը լիբերալ ուղղութեան տէր մարդ է և անշուշտ շատ ու քիչ սահմանադրութեան կուսակից: Այլապէս «Մ. և Յ.» կուսակցութիւնը յատկապէս նրան գահ չէր բարձրացնի:

Սակայն նոր գահակալի օրօք սահմանադրութեան վտանգը պակասելով հանդերձ, հայկական ջարդերի վտանգը մենք պակասած չենք համարում:

Սուլթան Մուհամեդը թող լինի անզուգական սրտի Տէր մի միապետ և անկեղծ սիրող հպատակների խաղաղ զարգացման. այնուամենայնիւ այնկողմ կայ ջարդարարների մի խոշոր բանակ, որքան խոշոր է թիւրքիայի մահմեդական ազգաբնակչութիւնը:

Մենք տեսանք, որ մի փոքրիկ սայթաքում բաւական եղաւ,

որ մահմեդական խուժանը գլուխը բարձրացնելով երկիրը ողողի հայկական արիւնով: Մենք տեսանք, որ սահմանադրական վախնե՛րից, միւթասէրիֆներից ու գայմազամներից շատերը, հանդերձ սահմանադրական զօրամասերով, ոչ միայն չը պաշտպանեցին հայերին կոտորածից, այլև սկսող և վերջացնողը հէնց իրենք եղան: Ի՞նչ գիտենք թէ ջարդարարների մեծ մասը քրդական տա՛րազի մէջ թագնուած զինուորներ չէին:

Այդ հարց է. մի հրեշտակային սիրտ ունեցող սուլթան Խնչ կարող է անել քրիստոնէական արիւն թափելու և քրիստոնէի ինչքն ու գոյքը յափշտակելու, ոչնչացնելու ընտելացած մի ամբողջ ազգի դիմաց:

Եթէ Օսմանեան սահմանադրութեան սպառնացող վտանգը թուլացած էլ համարենք, այնուամենայնիւ նրա անդամահատութեան սպառնալիքը դեռ մնում է իւր ոյժի մէջ: Առաջ թրքական գահի վրայ գտնուում էր տարիների փորձառութեամբ զինուած մի զիպլոմատ, որը գիտէ քաղաքական շահմատի խաղի գաղտնիքը կամ գիտէր վտանգաւոր ըրպէններում եւրոպական կամ մի երկու պետութիւնների սիրաշահելով, յարուցանել միւսների դէմ:

Իսկ այժմ: Վերհեծ կայսրը որքան խոստումներ կուզէ, թող անի Մուհամեդ V-ին. այնուամենայնիւ մինչև որ փոխադարձ վստահութիւն կը գոյանայ, եւրոպական համաձայնութիւնը կը կանխի նրան, մանաւանդ որ հին և նոր ըէժիմներն էլ իրենց խժդըժութիւններով պիտի փութացնեն այդ համաձայնութիւնը:

Թիւրքիան կառավարելու և մահմեդական վայրենի կրքերը զսպելու համար երկաթէ ոյժ է պէտք: Թիւրքիան իրենից մի այդպիսի ոյժ հանդէս բերել չի կարող: Նրա բաժանումը անխուսափելի է, եթէ Թիւրքիայով շահագրգռուող պետութիւնները այդ կէտի վրայ համաձայնութեան գալ կարողանան, որը Թիւրքիայի քաղաքական գոյութեան ոչնչացումը կը նշանակի:

Բոսֆորի պարլամենտը, աջակցութեամբ Թիւրքիայի գոյութեան և խաղաղ բարգաւաճման նախանձախնդիր Թիւրք կուսակցութիւնների, ամենամեծ հայրենասիրութիւնը արած կը լինեն, եթէ կօլլեկտիւ կերպով դիմեն եւրոպական մեծ պետութիւններին միջ-եւրոպական զօրքով երկիրը գրաւելու առաջարկութեամբ, իհարկէ սահմանադրութիւնը անխախտ պահպանելու պայմանով:

Այդ նեխած պետութեան համար ուրիշ ելք չըկայ, թէկուզ այսուհետև մի երկու տասնհազ տարիներ էլ կարողանայ քարշ տալ իւր ողորմելի գոյութիւնը, գործադրի իւր հոգեվարքի ճիգերը:

ՎԵՐՋԻՆ ՇՆՁԻՆ

Վերջին ժամանակները ամբողջ Կովկասեան հայ ինտելիգենցիան ենթարկւում է խուզարկութիւնների և ձերբակալութիւնների և այս մասին հայ հասարակութիւններից անհրաժեշտ դիմումներ եղան Կովկասի կոմս Փոխարքային և Պետական Դումայի հայ անդամների միջոցով պատշաճ իշխանութեան, բայց այս դիմումը դեռ ոչ մի շօշափելի բարելաւում առաջ չի բերել: Առանձին կերպով աչքի է ընկնում Հայկական երկու հաստատութիւնների ներկայացուցիչների ձերբակալութիւնը—այն է՝ Ներսիսեան դպրոցի տեսուչ Ա. Ահարոնեանի և Էջմիածնի ճեմարանի տեսուչ Մին. Բերբերեանի:

Այստեղ մեզ հետաքրքրող հարցը այն է, թէ ինչպէս վերաբերուեցին վարչական մարմինները այս երկու ձերբակալութիւնների և մենք այդ խնդրի վրայ մի փոքր կանգ կառնենք:

Ուսումնական տարին համարեալ վերջանում էր, երբ ձերբակալուեց Ա. Ահարոնեանը և Ներս. Դպրոցի հոգաբարձութիւնը խոհեմութեամբ որոշեց սպասել դատի արդիւնքին և ապա իւր որոշումը տալ տեսչին պաշտօնում թողնելու կամ արձակելու վերաբերմամբ: Դորանով էլ հարցը փակուեց:

Նոյնը մենք և ամբողջ հասարակութիւնը սպասում էր Էջմիածնի ճեմարանի տեսուչ Մին. Բերբերեանի վերաբերմամբ: Բայց այնտեղի կարճամիտ վարիչների ուղեղը այլ կերպ է խորհում, շնորհիւ իւր տեսակի մտածելակերպի:

Տեղական կեղտոտ ինտրիգների արդիւնքի լուրը ստանալով տ. Տեղապահը շտապեց հետեւեալ իսկ օրը արձակել տեսուչ Մին. Բերբերեանին պաշտօնից. կարծէք թէ սպասում էր կառավարութեան այդ քայլին. մի յանցանքի համար երկու անգամ չեն դատում մարդկանց. իսկ Էջմիածնի դիպլոմատները պատրաստ են տաւն անգամ պատժել. սա է նրանց մտածելակերպի ձևը: Ճեմարանում ծագած մի քանի խնդիրները առաջ բերին մի կոնֆլիկտ, որի հետեւանք էր ուսուցչական ամբողջ կազմի հրաժարականը բացի պ. Կանայեանից, որի վարմունքի վրայ ապշած ենք մնացել. այս ողջամիտ կարծեցեալ մարդը ստանձնեց մի պաշտօն, որին չէր մօտենայ ոչ մի իսկապէս ողջմիտ մարդ:

Աղաղակող ապօրինութիւններ են կատարւում այժմ Էջմիածնում. նախկին «անիշխանութիւնների» կատարեալ պատկերն է մեր առջևը բացւում. և այս բոլոր անիշխանական զեղծումներն ու ապօրինութիւնները կատարւում են այն ժամանակ, երբ ազգի

Ընտրեալ Վեհը դիմում է արդէն էջմիածին, երբ նա պատրաստուում է իւր հօտի ու հաստատութիւնների գլուխ անցնել մենք այս քանը շեշտում ենք առանձին կերպով և սպասում ենք, որ նորին Սր. Վեհ. Հայրապետը, հասնելով էջմիածին, վերջ կգնի ամեն տեսակ ինքնակամութեան և ինտրիգի և իւր արդարագոյն դատասխանը կանէ թէ ձեմարանի ուսուցչական խմբի և թէ նոյն ձեմ. տեսուչ Մին. Բերբերեանի վերաբերմամբ. մի տեսչի, որը այժմ այնքան անհրաժեշտ է ձեմարանին, բարձրացնելու նրա թէ բարոյական և թէ մտաւոր ոյժերը:

Սպասում ենք նաև որ Նա, քննելով անիշխանութեան շրջանի զեղծումները և ապօրինութիւնները, արդար և արժանի պատժի կենթարկի «за превышение власти» այդպիսի զեղծումներ անող բոլոր անձանց: Սրան է սպասում հայ հասարակութիւնը իւր ընտրեալ Վեհից և համոզուած է, որ ազգի ու ազգային կրթութեան կարիքները խորը ըմբռնող Վեհ. Մատթէոս Ա-րդը յուսախաբ չի անի մի ազգ, որը այնպիսի բուռն ցանկութիւններով սպասում է նրա գալստեան:

Լ Ո Ւ Ր Ե Ր

■ էջմիածնի սինօդը, վեհ. Կաթողիկոսի հաստատութեան թուղթը ստանալով՝ չորս հրաւիրակ ուղարկեց Կ. Պօլիս Ն. Սրբութեան հրաւիրելու մայր Աթոռ և Նորան ուղեկցելու համար. Թիֆլիզի թեմակալ Տ. Գարեգին Արքեպիսկոպոսին, Արցախի թեմակալ Տ. Աշոտ եպիսկոպոսին և Մեսրոպալ ու Բարգէն վարդապետներին, որոնք և ուղևորուեցան Կ. Պօլիս:

Վեհ. Հայրապետը ընդունելով հրաւիրակներին՝ այցելեց Թիւրքիայի նոր Սուլթանին իւր շնորհակալութիւնը յայտնելու և այնուհետև փոխադրուեցաւ մասնաւոր հիւրատուն:

Կ. Պօլսից մեկնելուց առաջ նորին սրբութեան հաճելի էր հրաւիրել իւր մօտ Կ. Պօլսի նախկին պատրիարք Օրմանեան սրբազանին, որի հետ ունեցաւ մի երկար և սիրալիր տեսակցութիւն ազգային արդի վիճակի մասին, ինչպէս այդ մանրամասն նկարագրում է «Մշակի Կ. Պօլսի թղթակիցը:

Նորին Սրբութեան Կ. Պօլսից ուղեկցում են բացի էջմիածնի հրաւիրակներից՝ Մեսրոպալ և Գրիգորիս վարդապետներ և ազգային ժողովի նախագահ Մինաս Չերադը:

Կ. Պօլսից վեհը յաջող ճանապարհորդութիւնից յետոյ, ժամանեց Օդեսա, ուր տեղական վարչական մարմինների, տեղական և շրջակայ հայ ազգաբնակչութեան և Բեսարաբիայի Հայոց առաջնորդ Ներսէս արքեպիսկոպոսի կողմից ընդունուեցաւ մեծ

շքով և որտեղից ուղևորուեց դէպի մայրաքաղաք Պ. Բուրգ Ն. Կ. Մ. ներկայանալու համար:

Պ. Բուրգի Վարչաւայի կայարանում Ն.Մ. դիմաւորեց տեղական հայ գաղութի ներկայացուցչութիւնը, որտեղից հանդիսաւոր ընդունելութեամբ առաջնորդուեց պատրաստուած օթեանը:

Մայիսի 29-ին Պետերհոֆի մեծ դահլիճում ցերեկուայ 2 ժամին նշանակուած էր Ն. Սրբութեան առանձին տեսակցութիւնը Թագաւոր Կայսեր մօտ, Թարգման Պրօֆ. Մառի հետ միասին:

Ն. Կ. Մ. բարեհաճեց դիմել Վեհ. Հայրապետին հետեւալ խօսքերով, որի հետ մատուցուեցաւ նաև բարձրագոյն հրովարտակ և վեղարի խաչը:

Ուրախ եմ, որ Ձերդ Վեհափառութեան տեսնում եմ ուսւ պետութեան սահմանները ոտք դնելու ըրպէին Ձեր նոր պարտականութիւնները ստանձնելուց առաջ:

Իմ նախնիքների օրինակով լցուած անփոփոխ բարեացակամութեամբ դէպի հայ ազգութեան պատկանող Իմ հպատակները, ինչպէս և դէպի Ձեր հովութեան յանձնուած հայ-յուսաւորչեան եկեղեցին, ես չեմ կասկածում, որ Դուք Ձեր ապագայ գործունէութեան ժամանակամեն ջանք գործ կը դնէք՝ ամրապնդելու Ձեր հօտի անդամների մէջ քրիստոնէութեան հաւատի իսկական ոգին:

Ընդ սմին ես հաւատացած եմ, որ Դուք, իբրև Ձեր նոր հայրենիքի հաւատարիմ զաւակ, հայրենիքի, որ Ձեզ ընդունում է սրտաբաց, կը դրդէք Ձեր հօտին խաղաղ, առաքինի կեանքի և օրինական իշխանութիւնների հնազանդութեան:

Իմ հոգածութիւնների մէջ՝ դաստիարակելու մատաղ սերունդը Քրիստոսի եկեղեցու հետ միութեամբ՝ ես Ձեզանից սպասում եմ առանձին ուշադրութիւն՝ դէպի Ձեր խնամքին յանձնուած եկեղեցա-կրթական հաստատութիւնների կանոնաւորութեան գործը օրինական հիմունքներով, նոցա մէջ կրթութիւն ստացողներին դէպ ընդհանուր հայրենիք Ռուսաստանը սիրոյ և հպատակութեան ոգով կըրթելու նպատակով:

Թող ամրանայ դէպի Ձեզ Իմ վստահութիւնը, որ արտայայտուեց Ձեզ Ձեր պատասխանատու պաշտօնում— Ամենայն Հայոց Կաթողիկոս և Էջմիածնի Պատրիարք հաստատելու մէջ:

Այնուհետև վեհը հիւրասիրուել է Պալատում և մեկնել իւր օթեանը: Ապա Ն. Վ. տեսակցել է նախարարապետ Ստալիպինի

հետ, որոնց մէջ տեղի է ունեցել մտքերի փոխանակութիւն մեր ազգային էական խնդիրներն մասին:

Պ. Բուրգուժ վեհը ջերմապէս հիւրասիրութեամբ մեր ազգայինների կողմից մայիսի 3-ին մեկնել է Մոսկուա, ուր ընդունելութեան մեծ պատրաստութիւններ է տեսնուած հայ գաղութի կողմից:

Վեհ. Հայրապետը մօտաւորապէս մայիսի 12-13 ին կլինի Թիֆլիզում: Այդ առիթով ս. Առաջնորդի տեղապահ Եփրեմ վարդապետի հրաւերով վեհի ընդունելութեան համար քաղաքիս հայոց ամեն տեսակ հաստատութիւններին, ինչպէս նաև վաճառականների, արհեստաւորների և մեշխանների աւագին հրաւեր էր ուղղուած, որ իրանց ներկայացուցիչներն ուղարկեն առաջնորդարան, որոնք միասին կկազմեն մի կարգադրիչ մասնաժողով՝ վեհափառ Հիւրին արժանավայել կերպով ընդունելու համար: Այդ պաշտօնի համար ընտրուեցան հետևեալ անձինք.—

Մեշխանների վարչութեան կողմից Բ. Առաքելեանց, Արհեստաւորների վարչութեան կողմից Ռաֆայէլեան, Վաճառականների վարչութեան կողմից Ս. Կաֆեանց, Հայ Մամուլի կողմից Հ. Առաքելեան, Ե. Լալայեան և Գիւտ ա. ք. Աղանեանց. Ներսիսեան դպրոցից բժ. Իգիթեանց, Յովնանեան ուսումնարանից Տ. Թադէոսեան, Կովկասի Հայ Բարեգործական Ընկերութիւնից Յ. Շահնազարեանց, Հայ գիւղատնտեսական ընկերութիւնից Ս. Եսայեանց, Հայուհեաց Ընկերութիւնից Ե. Յարութիւնեանց, Հայ որբախնամ Ընկերութիւնից տ. տ. Բայսողոլեանց և Սօջաժիրեանց, Էժանագին ճաշարանի վարչութիւնից տ. Աւթանդիլեանց, Լոյս Ընկերութիւնից Գ. Լևոնեան, Դրամատիկական Ընկերութիւնից Շիրինեան, Հայ ուսուցչական միութիւնից Ի. Յարութիւնեան, Հայ Ազգագրական Ընկերութիւնից տ. Հ. Մարտիրոսեանց, Մեղու Ընկերութիւնից տ. Մինասեանց և Վարդանեանց: Յիշեալ պատգամաւորները բաժանուեցան երեք սէկցիաների—1, հանգանակիչ, 2, ծախսարար, և 3, կարգադրիչ, որոնք և եռանդով գործում են արժանավայելչեով ընդունելութեան պատրաստութիւններ տեսնելու:

Թիֆլիսում գոյութիւն ունեցող Տնայնագործական ընկերութիւնը ընդարձակելով իւր գործունէութիւնը անուանուեց Հայ գիւղատնտեսական ընկերութիւն. այդ համակրելի ընկերութիւնը անցեալներն ունեցաւ մի մեծ համագումար պ. Ա. Քալանթարի նախագահութեամբ, որի գործունէութեան նկարագիրը լոյս տեսաւ առանձին հատորով:

Կարինում քացուել է մի մեծ հայկական տպարան «Յառաջ» անունով, ուր մայիսի 29-ից սկսուել է հրատարակուել «Յառաջ» անունով մի օրաթերթ:

Թիֆլիսից հեռագրում են «Баку» լրագրին, որ բանտարկուած հայ զրազէտներից ուսանց արձակել են 10—15000 ռուբլի գրաւականով:

Ն. Նախիջևանից մեզ հաղորդում են, որ ս. էջմիածնի ձեմարանի տեսուչ ձերբակալուած Մինաս Բերբերեանի հայրը հեռագրով խնդրել է նախարարապետ Ստալիպինին, որ ի նկատի ունենալով իւր որդու վատառողջ գրութիւնը՝ նորան յանձնեն իւր խնամքին և երաշխաւորութեան մինչև քննութեան աւարտումը: Հեռագիրն ուղարկուած է քննչի տնօրինութեան:

Մուրացանի երկերը տպագրութեան համար կազմուած մասնաժողովը լուծուեց:

Կ. Պօլսի ազգային ժողովը Տ. Եղիշէ եպիսկոպոս Դուրեանին ընտրեց պատրիարք Թիւրքիոյ հայոց:

Կ. Պօլսում դադարեցրել են «Բիւզանդիօն» լրագիրը և նորա խմբագիր յայտնի Բիւզանդ Քեչեանին ձերբակալել:

«Լուսաբերի»-ի հեղինակները պատրաստել են և մամուլին յանձնել III և IV տարիների դասագրքերը, որով ամբողջանում է հայոց լեզուի տարրական շրջանը:

ՍՏԱՑՈՒԱԾ ԳՐՔԵՐ

Տարեկան հաշիւ վասն 1907 ամի ազգային-կրօնական, բարեգորգործական և կրթական (1907-1908) հաստատութեանց Նոր Զուլայի 3 դպ. գիւղօրէից և եկեղեցեաց Թեհրանի և Ռաշտի (1906—1907)

Амрметъ, Мамедъ-Али Шахъ. Современная Персія. 1909 г. Александрополь. Цѣна одинъ руб.

Երուանդ վարդ. Տէր Մինասեանց. Յիսուսի կեանքն ու գործունէութիւնը. Համառօտութիւն պ. Վ. Շմիտտի և Ռ. Օտտօի երկերից. Ս. էջմիածին գինը 30 կոպ.

Եղիշէ Ա. Ք. Գեղամեանց. Պատմական քաղուածներ. Ա. պրակ. Յովսէփի կաթողիկոս Արղութեան. Բազու գինն է 30 կ. պրակ Բ. Դաւիթ-Դանիէլ կաթողիկոսներ Բազու գինը 30 կ.

Էմմանուէլ ք. Նազարեան. Խաչեր, Ալէքսանդրապօլ գինը 40 կոպ. Տեղեկագիր Թիֆլիսի Մարիամեան-Յովնանեան օրիորդաց դպրոցի 1906—1908 թ.

Տեղեկագիր և հաշիւ Բազուի Հայոց Մարդասիրական Ընկերութեան 1908 թ:

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

Կ. Պօլիս Մ. ա. ե. վերջին օրը ստացանք ձեր յօդուածները, որոնք մնացին հետեւալ համարին:

Ն. Բալազիտ. Խանզադէին. ձեր վէպը նորից սկսեցինք տպել, ի նկատի ունենալով մեր նոր բաժանորդներին:

Բազու Սև քաղաք. պ. Մկրտումեանցին. աւելորդ համարը սխալմամբ է ուղարկուած ձեզ:

Խմբագիր—Հրատարակիչ ԳրեՏ Ա. ՔԱՅ. ԱՂԱՆԵԱՆՑ

Հ Ո Յ Ս Տ Ե Ս Ա Ի
Գ Ի Ի Տ Ա . Բ . Ա Ղ Ա Ն Ե Ն Ն Յ Ի
Գ Ի Ի Ա Ն
Հ Ա Յ Ո Ց Պ Ա Տ Մ Ո Ւ Թ Ե Ա Ն
Գ Ի Բ Բ Է

Դաւիթ Կարողիկոս, մասն ը.

Հնդարձակ յառաջաբանով, յաւելուածներով, ծանօթու-
թիւններով և մի մեծ վիմատիպ ֆիրմանով.

Գինն է 4 ՌՈՒԲԼԻ.

Բացուած է 1909 թ. բաժանորդագրութիւնը
(ՉՈՐՐՈՐԴ ՏԱՐԻ)

Հ Ա Ս Կ Ե Ր

մանկական պատկերազարդ ամսագրի

Ամսագիրը լոյս է տեսնում Թիֆլիսում 32—48 երեսանոց
մեծադիր գրքոյկներով նախկին ընդարձակ ծրագրով
Մշտական աշխատակցութեամբ ՅՈՎՀ. ԹՈՒՄԱՆԵՆԱԻ ԵՒ ՍՏ. ԼԻ-
ՍԻՅԵԱՆԻ

Ամսագիրը ունինաւ ՄԱՆԿԱՎԱՐԺԱԿԱՆ ԳՐԱԴԱՐԱՆ, ուր շօշափ-
ւում են ընտանեկան կրթութեան վերաբերեալ կարեւորագոյն
հարցեր:

ԲԱԺԱՆՈՐԴԱԳԻՆՆ Է ՃԱՆԱՊԱՐՀԱԾԱԽՍՈՎ

Տարեկան ՀԱՍԿԵՐ, մանկ. բաժին 3 ռ. մանկավարժ. բաժ. 4 ռ.

Կէս տարուանը	. . . 1 ռ. 80 Կ.	. . . 2 ռ. 10 Կ.
Մէկ ամսուանը	. . . — 30 Կ.	. . . — 35 Կ.
Պարսկաստանում	. . . 3 ռ. 50 Կ.	. . . 4 ռ. 50 Կ.
Արտասահմանում տարեկան	ԻՆԸ Ֆր.	ՏԱՄՆԵՐԿՈՒ Ֆ Կ.
Հրատարակութեան սկզբից մինչև 1909 թ. վերջը	11 ռ.	15 ռ.

Խմբագրատան հասցէն՝ Թիֆլիս, Բհհրութեան փող. 25
(Тифлисъ, Редакция журнала «Аскеръ» Tiflis (Caucase) Ré-
daction du journ. «Hasker».

Խմբագիր-Հրատարակիչ՝ Կատ. Լիսիցեան

Լ ՈՒՄ Ա Յ

ՀՐԱՏԱՐԱԿՈՒԹԵԱՆ 14 ՏԱՐԻ

ԳՐԱԿԱՆ-ՊԱՏՄԱԿԱՆ ԵՒ ԲԱՂԱՔԱԿԱՆ ԱՄՍԱԳԻՐ

1909 թուին Լուման լոյս կտեսնի իւր նախկին դիրքով ամեն ամսի 20-ից յետոյ, բաղկացած 48—80 երեսներէց: Ինչպէս միշտ, հարկաւոր դէպքերում, կարուեն պատկերներ հասարակական երևոյթներէ առթիւ:

ՊԱՅՄԱՆՆԵՐ

1. Նիւթերը պիտի գրուած լինին պարզ, մի էջի վրայ և ոչ աւել քան 32 տպ. երես:
2. Արտաստպութիւն ոչ մի դէպքում չի տրւում:
3. Նիւթերը չեն վերադարձնում. յետ ստանալ ցանկացողները պիտի ուղարկեն փոստի ծախք:
4. Չտպուող նիւթերի մասին ծանուցում է տրւում ամսագրի մէջ պատասխանների բաժնում:
5. Թարգմանական նիւթեր ընդունում են շատ կարճ և ընտիր հեղինակների:

ԲԱԺՆԷԳԻՆՆ Է տարեկան 6ռ., կէս տ. 4ռ.,
Արտասահման " 8 " " 5,,

ԱՊԱՌԻԿ ՈՉ ՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizeiskaja, 7.

ՄԱՄՈՒԼԻ ՏԱԿ Է

ՆԱՄԱԿԱԳԻՐՔ

Երկրորդ ճոխացրած տպագրութիւն

АТРПЕТЪ

МАМЕД-АЛИ-ШАХЪ

Современная Персія

Съ 36 Картинами

Цѣна 1 руб.

Складъ: Тифлисъ Книж. Торг. „Гутенбергъ“. Александрополь. Типог. „Ширакъ“.